


891.99<sup>97</sup>


L-38

10387

№ 109









891.542-94

L-38

48

9(49)  
L. 94 գ. ա

1, 1, 0

# ՎԱՅԱՆ ՄԱՄԻԿՈՆԵԱՆ

(Հայոց Վաստմուծիւնից)

~~1871-1874~~  
1001  
1864

Հրատարակութիւն Սմբ. Գաղեանի

Շ Ո Ւ Շ Ի

Տպարան Հայոց Հողեօր Տեսչութեան:

1888

✓

3525

Дозволено цензурою. 27 февраля 1888 г.  
Г. Тифлис

(Հանած «Ա ղ ը ի ռ» անասիրոյ)

Типог. Шушин. Армян. Духовн. Вѣдомства.

003

1881-1887

# ՎԱՅԱՆ ՄԱՄԻԿՈՆԵԱՆ

(Հայոց Պատմութիւնից)



Ա.



ՄԻԱԲԱՆՈՒԹԻՒՆ.

Ուղիղ երեսուն տարի էր անցել  
Վարդանանց պատերազմից:

Աւարայրի ահեղ գաշտը իր օրհասա-  
կան պատերազմով դեռ չէր մոռացել  
Հայաստանցին: Վարդանի և նրա նիզա-  
կակիցների անունները յսփում էին և՛  
գեղջուկ լիւնեցու կրակարանի մօտ, և՛  
սահաւապէտ զինուորի կոշտ բնակարա-

նում, և՛ ազնուականի շքեղ դարպասում: Դեռ չէր գաղարել սիրելիների մըրմունջը, որովհետև նրանց սրտում լայն բացուած վէրքը դեռ չէր կեղև կապել: Դեռ Պարսկաստանում չէր մարել բանաւրի խորքում շղթայակապ ընկածների հեծեծանքը: Բայց Հայաստանը մի նոր փորձի վրայ էր: Առ ժամանակ հանդարտած մթնոլորտը պատրաստվում էր կրկին ահեղագոյ լուծարիչներ կրկնել:

Գիշեր է: Կաթողիկոսանիստ Գուլինը ընկզմուած է խորին լուսթեան մէջ: Ճրագները ամեն տեղ մարած են, ամայի փողոցներում ազատ տիրութիւն են աւնում թափառաշրջիկ շները, որոնք այստեղ այնտեղ հոտոտելով, քաղաքացիների երկկոյեան ընթրիքի մնացորդներն են որոնում պատերի տակ և աղբանոցներում:

Քնած է Գուլինը: Կուսին չը կայ. փայ-



լուն աստղերը համեստ շողջողում են մութ երկնասկամարի վրայ: Աշունը նոր է սկսուելը: Տաք օդի մէջ, գաւթում, խորդում է Աղբվշնասպ մարդպանի գրան պահագան պարսիկը: Նրա տէրը այժմ շատ հեռու է գտնվում. նա անհող ընկած է, նիզակը դէմ է գրել պատին, կարծիքի երկասյրին դօտիկց կախ ընկած է մնացել: Նա կարծես քաղցր երազի մէջ է. տեսնում է Պարսկաստանի պարզ երկինքը և այդ երկնքի տակ՝ իր անշուք բնակարանը, ուր այդ բոպէին միմեանց գրկած քնած են նրա փոքրիկ զաւակները, երբորդ տարին է օր գրանց չի տեսել հէգ զինուորը: Քնած է և զաւակների մայրը, խրոխտ պարսիուհին. քնած է իր ամուսնու հետ դէթ երազում խօսելու քաղցր յոյսով: Պահագանը ժպտում է, երջանիկ է իր այդ վազանցուկ երազով, որ մոռացնել է տուել ամեն ինչ: Աւ ոչ

որ չի խանդարում այդ երազը: Միայն աշնանային մեզմ քամին, որ երբեմն դուրս է թռչում ասն պատի քամակից, քովում է նրա դէմքին և խկոյն էլի Հիւզիկ լռիկ սահում, անցնում:

Վիշերային այդ պահուն քնած չէ միայն մի կին, որ միայնակ փակուած է Գուինի կենդրոնական թաղում շինած մի ասն մէջ: Նրազի ազօա յոյսը պատուհանի լայնութեամբ մի փայլուն շերտ է գցիլ բակի վրայ: Շրջակաները լուռ են, անշարժ: Առու է և ինքը, բարձրահասակ, սևապանդուր կինը, որ ահա չորս ժամ շարունակ նստած է մի փոքրիկ անկողնի մօտ և ամենայն ուշադրութեամբ նայում է այնտեղ պառկած մանուկի դէմքին: Յուսահատութիւնը Հեազհեաէ սաստիանում է այդ կնոջ դէմքի վրայ. երբեմն նրա կրծքից դուրս է թռչում մի հանդարտ հռուչանք: Եւ յաճախ

ձեռքը դնելով երեխայի ճակատին և շրթ-  
թունքներին, էլի նայում է նրան. նա-  
յում է, չի կշտանում:

Երեխան հիւանդ է: Նրա փափուկ  
գէմքի վրայ նկատելի է օրհասի նշանը,  
որ կապոյտ գոյնն է համարվում: Յնչա-  
ռութիւնը կցկտուր է, շատ դանդաղ, եր-  
բեմն կրճքի միջից լսվում է մի սարսա-  
փելի խզղոց: Քնած է երեխան թէ հո-  
գեվարքի մէջ է: Սյդ չը գիտէ մայրը և չի  
էլ սւգում իմանալ. նա նրան քնածի  
տեղ է գրել և այդ խկ պատճառով չի  
համարձակվում ծածկել երեխայի փոք-  
րիկ փափուկ թևը վերմակի տակ, վա-  
խենում է դրանով վրդովել սիրելի զա-  
ւակի քունը:

Գիշերը ծանր անցնում է. ձրագը իր  
բոսորային լուսով օգնում է մօրը աներ-  
կիւղ մնալ և անբթիթ աչքերով դիտել  
երեխայի գէմքը: ձրագը նոյնպէս օգնում

է մօր աւելի և աւելի յուսահատուե-  
լուն: Մաքերը հեռացել են նրանից. մին-  
չև անգամ աղախիններից մէկին չի կան-  
չում, որ սփոփի իր սիրար, որը աւելի  
և աւելի սեղմվում է, զգալով օրհասի  
ներկայութիւնը:

Ասում են, մարդու սիրար երբեմն և  
շատ հեռու տեղերում զգում է այն, ինչ  
որ պիտի պատահի այն մարդկանց, որոնց  
մասին նա մտածում է: Այդ բոլորովին  
ճիշտ էր Հրահատ Կամսարականի վերա-  
բերմամբ: Նոյն այդ զիշերը, նոյն այդ  
պահուն, երբ նրա կինը այսպէս տանջ-  
վում էր, իշխանը իր եղբօրց հետ դառն-  
վում էր Հայոց բանակում, որ հեռուոր  
Պղտանից երկրից յետ էր դառնում  
Գուին, և ճանապարհին վրաններ էր  
գարկել Նիրակայ դաշտում, հանգիստ առ-  
նելու համար: Կամսարականները մենակ  
չէին: Մի լայնարձակ վրանում հաւաքուած



էին բանակի բոլոր նշանաւոր իշխանները: Կազմուել էր մի զազանի խորհուրդ, իւրաքանչիւն իր կարծիքն էր յայանում: Միայն Հրահատ իշխանն էր, որ շատ տխուր էր: Նա քաշուել էր մի անկիւն և ինքն էլ չը զիտէր թէ ինչեր էր լսուի: Նրա սիրտը մի թշուաւութիւն էր ըզգում:

Սյդ տխրութիւնը նկատելով Սիւնեաց կրտսեր իշխան Բարգէնը, որ Հրահատ իշխանի սրտակիցն էր, զարմացած մօտեցաւ և ձեռքը դնելով նրա ուսին, տկանջում փսփսաց մի քանի քաղցր, բայց յանդիմանական խօսքեր: Կամսարականը ընկերի այդ խօսքերի վրայ կարծես արթնանալով, վեր կացաւ, առաջ նստեց: Սյժմ նա ուշադիր էր վիճաբանութիւններին, թէև նրա գէմքը գեռ սրտած էր հողեկան անձկութեան ապաժոյժ ստուերով:

Խօսում էր մի զանգրահեր, երկարահասակ և լայնալանջ տղամարդ.

— Ասացի որ վտանգաւոր է այդ ձեռնարկութիւնը: Պատրաստի ոյժ չը կայ, իսկ մեր նախարարները դեռ շարունակում են իրանց երկզիմի գործողութիւնները. մի օր պարսից հլու ծառայ են երևում, միւս օրը իրանց շահերի ջերմ պաշտպան, անձնիշխան պետեր: Աւելի լաւ է, իմ կարծիքով, մեր բոլոր յոյսը Աստուծու վրայ դնել. Նա միայն կարող է մեզ հովանաւորել: Նա չեմ ասում թէ մեր լոյս հաւատը վտանգի մէջ չէ, բայց իմացէք որ մեր թշնամին էլ պոսկաս գորեղ չէ: Գուք կարծում էք թէ մեզ կօչնեն վրացիները. կամ հոները. ո՞վ գիտէ կօզնե՞ն արդեօք: Տկարամիտ մարդկանց վրայ յոյս դնելուց լաւը նա կը լինէր, որ աղաչէինք Աստուծուն մեզ օգնութեան հասնել և չը մոռանայ մեր սուրբ նախնիք:

ներին, որոնք արիւն թափեցին մեզ  
համար:

Այդ խօսքերի վրայ խորհրդականն! ըի  
մէջ մի շունջ անցաւ. մի քանիսները ծի-  
ծաղեցին, որոնց թւում և Սիւնեաց իշ-  
խան Գղիհոնը, մի հսկայատիպ մարդ,  
որ բոլորի մէջ վեհագոյն էր իր խրոխ-  
տապանձ գէմքով, իր հուժկու կազմուած-  
քով և փառաւոր զգեստով: Նստածները  
խփոյն նկատեցին, որ իշխանի ծիծաղը  
միւսների ծիծաղի նման չէր. նրանք վա-  
ղուց զիտէին, որ Գղիհոնը իր ծրագիրն  
ունի և չի հետաքրքրւում այս ժողո-  
ւով, այլ նման էր երկար նստելուց շատ  
ձանձրացած մի մարդու. կարծես նա ա-  
մեն բոպէ հարցնում էր թէ ի՞նչ է նշա-  
նակում այս ամենը և ե՞րբ կը վերջա-  
նայ:

Ներսէս Աամսարականը, Հրահատի մեծ  
եղբայրը, որ խորը մտածում էր իր լաւ-

ների վրայ, սկսեց խօսել իր թանձր ու  
ախորժեղի ձայնով:

— Կաւ ես ասոււմ, Վահան իշխան, ասաց նա, — ասանց Աստուծու ունայն է մարդկային յոյսը. և մենք Նրա օգնութեամբ միայն ուզում ենք դործ սկսել: Յիշիր, որ Պերողը յաղթուած փախաւ Պարսկաստան. վրացիները և հոները ատելութիւն են որոճում գէպի պարսիկները: Այս բարեպատեհ առիթը եթէ ձեռքից թողնենք և ուրանանք մեր եկեղեցին լոկ աշխարհային փառքի համար, վատի անուն պիտի ժառանգենք յաւիտեան: Կնքը ճէրը տեսնում է, որ մենք անձնական փառք չենք որոնում, այլ մեր հայրենի եկեղեցու պաշտպանութիւնն ենք ձեռք առնում: Մենք չենք ծրագրում մի նոր բան, որին սովոր չը լինի հայր: Արդէն քո հօրեղբօր օրինակը ամենքիս աչքի առաջ է:



— Հայրենիքը վտանդի մէջ է, շարունակեց Հրահատը իր եղբօր սկսածը:— Պարսկական խորամանկութիւնը ուզում է մեզ վերջին հարուածը հասցնել: Աւարայրի փորձը մոխրապաշաներին խելքի չը բերեց, այլ ընդհակառակն այժմ այնպիսի մեքենաներ են սարքել մեր դէմ, որ մենք պիտի ծանր խորհենք մեր դիրքը, մեր անելիքը: Ոչ վրացիներն են մեր յոյսը, ոչ հսները: Ոչ: Մենք յոյս ենք դրել մեր մահուան վրայ. այո՛, մեր արիւնով միայն վստահ ենք, որ այլ ևս չենք աեսնել մեր սուրբ եկեղեցին արհամարհուած:

Գանդրահեր աղամարդը, որ Մամիկոնեան Վահանն էր, մեծ Վարդանի եղբօր՝ Հմայակի որդին, խորին մտածութեան մէջ ընկաւ Հրահատի վերջին խօսքերը լսելուց: Մի ինչ որ բան նրան տանջում էր: Թաւ յօնքերով պատած ահեղ աչքե-

ըր յառեցան զեանին, ճակատի վրայ  
կուտովեցան կնճիռները: Նրա սիրտը աւե-  
լի ևս բորբոքեց Բարզէն Սիւնին, որ  
խիստ կճուռ ձայնով խօսեց Հրահատից  
յետոյ:

— Անվճուականութիւնն անարի վախ-  
կոտութեան նշան է: Այս ազատագուն-  
ներն ուխտում են մեռնել կրօնի համար  
և այդ ուխտը չընդունողը պարզ վկայում  
է, որ մարմնաւոր փառքի գերի է: Այդ  
փառքը ատողներս մի կողմ կանգնենք  
և վճռենք մեր անելիքը:

Վահանը չք կարողացաւ լռել:

— Իշխան Բարզէն, ասաց նա անվըր-  
դով, հանդարտ ձայնով, դովում եմ երի-  
տասարդական եռանդդ, բայց այդպէս  
սուր կերպով վճիռ գնելը քիչ ընդդէմ  
է խորիմաստ կշռագատութեան կանոնին:  
Սրգէն ձեզ ամենից յայանի է, թէ ինչ-  
պէս ես կուրացած աշխարհի փառքից,

մի քանի սինդոր զբարարտիչների լեզուն  
կապելու համար ուրացայ իմ լոյս հա-  
ւատը և երկրպագութիւն արի արեգա-  
կին ու կրակին և զրա համար պարգե-  
ներ ստացայ Պերողի արքունիքից: Բայց  
չսա չը տեհց իմ մտաւոր կուրութիւնը.  
մեր նախնիքների պաշտած Աստուածը  
բաց արաւ միտքս, և ես մի կարճ մի-  
ջոցում հասկացայ թէ ինչ քստմենի  
գործ եմ արել մի անցաւոր սին փռու-  
սիրութեան համար: Ակայ թող լինի իմ  
եղբայր Ասասիը, որ այստեղ ձեզ մօտ է,  
թէ քանի քանի անգամ լուրեայն ար-  
տասունք եմ չտփել անիրաւութեանս  
համար: Այժմ, այս եղբայրական միաբա-  
նութեան խօսքերը լսելով, սիրաս ուժ-  
ղին ցաւում է: Աս համաձայն եմ, որ  
պիտի մեռնինք մեր հաւատի համար, և  
ամենից առաջ ես պիտի մեռնիմ, որ  
արիւնտփս ջնջեմ անուանս վրայ զրած

արատը: Գնանք ուրեմն, գնանք մեռ-  
նինք:


Ժողովը ուրախութեամբ ընդունեց Մա-  
միկոնեանի այդ համաձայնութիւնը. իսկ  
երբ Վասակ Մամիկոնեանը ոգևորուած  
ցանկացաւ միանալ նրանց հետ, կրտսեր  
Վամսարականը չը կարողացաւ արտասուե-  
լքը պահել: Իսկոյն Վահանին ընտրեցին  
սպարապետ բոլոր զօրքերի վրայ, որով-  
հետեւ բոլորն էլ ահանառեւ եղած էին  
նրա քաջագործութիւններին, բոլորն էլ  
նրան դեռ պատանեկութիւնից ճանա-  
չում էին իբրև անվախ որսորդ և հիա-  
նալի գինաշարժ:

Հայոց զօրքերին ուղեկցում էր Բջնե-  
ցի Աթիկ քահանան, Ղևոնդեանց արժա-  
նի յաջորդը. նա իսկոյն հանեց Աւետա-  
բանը, որի վրայ բոլոր ներկայ եղողները  
միաբանութեան ուխտ կապեցին և երդ-  
մամբ հաստատեցին այդ ուխտը:



Յետոյ իշխանները եղբայրաբար համ-  
բուրվեցան միմեանց հետ և ժողովը  
ցրիւ եկաւ:

Գիշերուայ կէսն էր, երբ ամեն մէկը  
իր վրանն էր որոնուամ: Բայց երկու մարդիկ  
հեռացան Հայոց բանակից և շտապով  
գիմեցին դէպի մի քանի վրաններ, որոնք  
նշմարելի էին դաշտի տարածութեան  
վրայ, քիչ հեռու: Սյնտեղ էր Ատրվշ-  
նասպ մարդպանը, որ հայ զօրքի հետ  
Հայաստան էր վերադառնում: Գնացող-  
ներն էին վեհապանձ Գդիհոն Սիւնին  
և Վարազշապուհ Սմատունին, երկու  
իշխաններ, որոնց սիրաբ լցուած էր կոյր  
ատելութեամբ և նախանձով: Նրանք այլ  
ևս չը վերադարձան Հայոց բանակը:



## ՀԱՅՐԱԿԱՆ ՍԷՐ ԵՒ ՁԻՆՈՒՈՐԻ ՊԱՐՏՔ

Հայոց բանակը միւս օրը սաստիկ ճեպով խաղում էր դէպի Արտաշատ: Ձի-  
նուորների դէմքերը ուրախ էին, խօսակ-  
ցութիւնները զուարթ: Բանակի առաջ  
ձիարշաւում էին իշխանները, որոնք  
շուտ-շուտ յետ էին նայում և շտապեց-  
նում էին զօրքը: Քայլերը հեռուհեռէ ա-  
ւելի և աւելի արագանում էին, բոլորը  
ջանք էին գործում որքան կարելի է  
շատ ճանապարհ կտրել: Կար:

Աղբվէնասպը երկու յուզաններից լսե-  
լով հայ նախարարների խորհուրդը, եր-  
զումը, և վախենալով թէ մի զուցէ լու-



ստրացին իր վրանը Հայոց սուսերամերկ  
զինուորներով շրջապատած տեսնէ, կրտ-  
ւել էր զիշերուայ քունը և մթնով փա-  
խել էր ուրացեալ Հայ նախարարներով  
շրջապատուած: Ահա նրանց էր Հետա-  
մուտ լինում Հայ հեծերազօրքը: Տարա-  
ծութիւնը, որ բաժանում էր փախստա-  
կաններին հետապնդողներից, աւելի և  
աւելի կարճանում էր: Փախչողներն ա-  
պաւինել էին ծուռ ու մուռ ճանապարհնե-  
րին, բայց շուտով տեսան որ այդ յոյսն  
էլ խաբուսիկ է. Հրահատ Աամսարականը  
ձիու ականջը մտած իր քաջ մարդկանց  
հետ թռչում էր գառիփայլերով և խոր-  
խոր ձորերի մօտերքով: Այդ ժամանակ  
փախչողներից մէկի ձին սկսեց յետ մնալ-  
տանջուած կենդանին յոգնած էր և ու-  
շաղրութիւն չէր գարձում իր ախրջ  
անխնայ հարուածներին: Աամսարականը  
հռուից ճանաչեց նրան և սաստիկ խը-

Թերով իր ձիու կողերը, հարկադրեց նրան աւելի ևս արագ սլանալ: Կարճ միջոցում նա բռնած ունէր յետամնացին:

— Գաւաճան, գոչեց նա ահեղ ձայնով, — ահա գոտար փառքիդ պսակը:

Կալանաւորը Գղիշոյ Խոսխոռունին էր, որ ուրացեալներից մէկն էր և շատ չարիք էր հասցրել հայերին իր բանսարկութիւններով: Մի ակնթարթում նրան շրջապատեցին հայ զինուորները:

Առջևից փախչողները տեսնելով, որ այլ ևս հալածողներ չը կան, իջան ձիաներից, որ խեղձ կենդանիներին ոյժ տան զժուար ճանապարհը շարունակելու: Սակայն Բարգէն Սիւնին թողնելով Հրահատին իր գերու հեռ հաշիւ տեսնելը շարունակեց հեռախուզութիւնը և վրայ հասնելով, սարսափելի իրարանցում զրցեց փախստականների խմբի մէջ: Այդտեղ էլ մի քանի մարդիկ բռնուեցան: Իսկ



Աղբիջնասպը կարողացաւ շատերի հետ  
փակուել Արտաշատի բերդում:

Հայ բանակը չուեց դէպի Գուին:

Քաղաքը զարմացած մնաց, տեսնելով  
գերի իշխաններին, որոնցեց մինչև այդ  
օրը դողում էր իւրաքանձիւր հայ: Մինչ-  
դեռ Վահանի մարդիկը բացատրում էին  
եղելութիւնը, Հրահատը աշտանակեց ձին  
դէպի այն տունը, ուր թողել էր իր կը-  
նոջը Աղուանից կողմերը գնալուց առաջ:  
Նա գտաւ այդ տունը սուգի տխրու-  
թեամբ պատած: Արի տղամարդը համա-  
րեա հասկացաւ, թէ ինչ էր պատահել և  
ձիու տանձը գցելով ծառային, սենեակն  
ընկաւ: Սյւտեղ տեսաւ Չարուհի տիկ-  
նոջը մի փոքրիկ դադաղի առաջ, հեր-  
արձակ սևերով պատած: Տիկինը սկսեց  
բարձրաձայն ողբալ իր Խորէնին, իր այն  
փոքրիկ հրեշտակին, որին տեսանք հի-  
ւանդ ընկած անկողնում: Հայրն ընկաւ

դագաղի վրայ, երեսը դրաւ երեխայի ա-  
ռն գէմքի վրայ և այդանոց խլայցից իր  
հեկեկանքը: Շատ կարճ միջոցում հաւա-  
քուեցան ազգական ու բարեկամ: Ամենքի  
լաց ու կոծը անմխիթար էր:

— Ահ, որդիս, հրեշտակս... մհ, Սորէ-  
նըս, դու էիր ինձ թե տալիս օտար երկ-  
րում. քո աստղն էր ինձ առաջնորդում, քեզ  
համար էի սրահում կեանքս. այլ ևս ինչ  
կեանք մնաց... զնամ, ես էլ մեռնեմ:

Սյսպէս էր ասում Հրահատը և թեւե-  
րը տարածած Սորէնի դիակի վրայ, համ-  
բուրում էր նրա գէմքը: Բարեկամները  
և նոյն իսկ Աամսարական անկիներ մի  
կերպ կարողացան յետ տանել սրտամօր-  
մոք հօրը: Բայց նա էլի լաց էր լինում.  
Կաւր այնքան սաստիկ էր, որ նա մտացել  
էր ամենքին, մինչև անգամ իր սիրելի ա-  
մուսնուն: Թէև երկար ժամանակ օտա-  
րութիւն էր քաշել, բայց ոչ ոքին մի սա-

ուրն բարև անգամ չասեց:

Երկու ժամ դեռ չէր անցել Հրահատի գալուց, մի ձիաւոր զինուոր կանգնեց տան դռան մօտ և ասաց որ կամենում է իշխանին տեսնել: Սա խակոյն դուրս գնաց:

— Ի՞նչ կայ, Մուշեղ, հարցրեց նա ծանրու, վշտահար ձայնով:

— Սպարապետն ուղարկեց ձեզ յայտնելու, որ խակոյն արշաւում ենք Արտաշատի վրայ: Դուք պիտի վարէք յառաջախաղ խումբը:

— Բայց յսե՞լ են տանա մէջ եղած սուղը, շարունակեց իր հարցմունքը իշխանը:

— Բարթոլղիմէոս հայր սուրբը պատմեց ամենքին: Սպարապետը շատ տխրեց, աստուծոսաց որ ժամանակ չունի անձամբ գալ մխիթարել Վամսարական տիկնոջը, այլ հրամայեց ինձ շտապել, յայտնել ձեզ այն,

ինչ որ արդէն ասացի:

— Թող սպասենք իսկոյն կը գամ, պատասխանեց իշխանը և յետ դարձաւ հրամայեց ծառային մի ուրիշ ձի պատրաստել իր համար: Սպա մտաւ սենեակը, ուր լայկանները կրկին սուգ էին սկսել: Եշխանի հրամանով լացը դադարեց, նա դարձաւ զէպի իր կինը արտասուելից աչքերով:

— Թագի՛ր Խորէնին, Զարուհի, իսկ ես գնում եմ, ընկերներս ինձ են սպասում:

— Մի՛թէ գնում ես, ճչաց տիկինը—  
այդ է քո սէրը մեր անբախտ զաւակի վրայ:

— Դու զեռ չը զիտես թէ ինչ կայ, պատասխանեց Հրահատը, աշխատելով խօսել մի համոզարտ ու համոզեցուցիչ ձայնով, որ սիրտ տար իրան էլ, կնոջն էլ,— եթէ չը լինէր մեր զաւակի այս սուգը, անշուշտ կիմանայիր թէ Նիրակայ



տէրերը ինչ են սկսել և զուցէ այն ժամանակ իբրև մի հարազատ զաւակ հայրենի եկեղեցու, դու ինքդ կը պահէիր ձիուս սանձը և կը պատուիրէիր քաջ լինելը պատերազմել իբրև հասարակ զինուոր:

— Բայց ի՞նչ կայ, ի՞նչ է պատահել, հարցրեց տիկինը անսովոր հետաքրքրութեամբ: Երևում էր, որ Ձարուհին զուրկ չէր իր ամուսնու պատերազմական ոգևորութիւնից:

— Հեռու կը տանէր ինձ մի առ մի պատմելը. սպարապետը երկար սպասել չէ կարող... զնամ...

— Ո՞վ է սպարապետը, դարձեալ հարցրեց տիկինը, չը բաւականանալով Հրահատի կտրուկ պատասխանով:

Բայց նա չը լսեց այդ հարցի պատասխանը: Իշխանը կրկին ընկաւ դազաղի վրայ, համբոյրներ թափեց անշունչ ու

անդգայ դէմքի վրայ: 

— Թողիր Խորէնին, Զարուհի, վերջին  
տնգամ իմ վտխարէն մի աւելորդ համ-  
բոյր ևս առւր նրան, ամսոց դժբախտ  
հայրը և աչքերը սրբելով այնպէս շտա-  
պով դուրս գնաց, որ տան մէջ հաւա-  
քուածներէց ոչ ոք ոչինչ չը հասկացաւ:

Բանակը չուել էր: Եշխանը քշեց իր ե-  
րկիմարը, որը շուտով շնչասպառ հասցը-  
րեց նրան զինուորներէ ելմայն շարքին:  
Միւս իշխանները շտապեցին մտիթարեկ  
որդեկորոյս հօրը, իսկ ներսէ՛հ և Արշա-  
ւիթ Աստուտականները լաց եզան իրանց  
եղբօր դժբախտութեան վրայ: Ապա հրա-  
հատը անցաւ յատաճապահ զինուորների  
դուրսը:

Զօրքը պաշարեց Արտաշատը, բայց ի  
դուր: Ազրվչնասպն իր արբանեակների  
հետ վախառ դէպի Ստրպամական:  
Մի քանի օրու մ հայաստանի մէջ հա-

մարեա ամենքն իմացան Վահանի այդ  
գործերը: Շատերն ուրախացան, իսկ փա-  
ռամոլ նախարարները ծաղրում էին այդ  
ձեռնարկութիւնը: «Ուրացող տարօնեցին  
չափազանց յանդուգն է, ուղում է հրաշք  
գործել՝ ասում էին նախարարները ի-  
րանց ժողովրդին.— բայց այդ յանդուգնու-  
թեան վերջը ծաղրելի կը լինի. պարտի-  
ների համար ոչինչ բան է կյանել նրան  
իր չորս հարիւր սպասամբների հետ»:

Սակայն Վահան Մամիկոնեանը կրանվե-  
լուց չէր վախում: Եր բոլոր յոյսը գնե-  
լով Աստուծու վրայ, նա գնաց Յովհան  
Մանգակունու մօտ, որ այդ ժամանա-  
կուայ կաթողիկոսն էր: Այեպարդ հայրա-  
պետը, Սահակի և Մեսրոպի յառաջագէմ  
աշակերարը, ուրախութիւնից գողալով  
օրհնեց սպարապետին և նրա գօլքը,  
յորգորեց կիսաս չը թողնել սկսած գոր-  
ծը: Ժողովրդի հաճութեամբ մարզպան

կարգուեցաւ Սահակ Բաղրատունին, որի  
խնդրանօք Մովսէս Խորենացին զրել էր  
Հայոց ազգի պատմութիւնը: Բոլոր միա-  
բան հայերը երգուեցան, որ ամեն կեր-  
պով պիտի հնազանդին իրանց մարգա-  
նի և սպարապետի հրամաններին:

Վահանը մի ըսպէ չը մոռացաւ իր  
պաշտօնը:





ՀՐԱԻԷՐ ԵՒ ՄԵՐԺՈՒՄՆ

Ազրվչնասպին միշտ վրդովում էին հայերից հարածուիլը և Գուինում թողած իր ծառաների կայանաւորելը. վայրոյթը դողացնում էր նրան զիշեր ու ցերեկ: Վառուած կրակի վրայ իւզ էին ածում ուրացեալ նախարարները, որոնք հաւատացնում էին պարսիկ զօրավարին, թէ Վահանին տապալելը շատ հեշտ է, որովհետեւ նա աննշան զօրք ունի և թէ հայերի յոյսը վրացիների վրայ է, որոնք չէին կարող իսկոյն օգնութեան հասնել: Ազրվչնասպ սիրտ առաւ, այդ ուրացեալների հետ մի արշաւանք Կործեց զէպի Հայաստան:

Հայոց կաթողիկոսը կրկին էլի ժողովեց ուխտապահ իշխաններին և ազգութարոզով յորդորեց քաջ լինել և թշնամու մեծ բազմութիւնից չը վախենալ: Պուք կալում էք եկեղեցու փառքի համար, ասաց յուզուած Մանգակունին, — դուք սուր էք հանում անիրաւութեան, բռնութեան դէմ. ապա ուրեմն դուք Քրիստոսի զննուորներն էք: Մենակ էք, այո՛, զիսեմ, սակաւաթիւ՝ հզարա թըշնամու առաջ. բայց դրանով չը լինի թէ զհատուիք: Պուք ունիք մի մեծ դաշնակից, որ երբէք չի թողնիլ ձեզ: Դա եկեղեցին է, որ իր բոլոր մանուկների բերանով յաղթութիւն կը խնդրէ յաղթողների Յաղթողից:՝

Արտշուեցաւ, որ Սահակ մարգարանը և Վահան սպարապետը մնան Պուին, իսկ միւսները զօրքերը տանեն պարսից դէմ: Բարգէնը անուանուեցաւ Սիւնեաց տէր՝

ուրացեալ Գղիհնի տեղ, մի և նոյն ժամանակ զօրափար: Նրանք ընկերակցում էին սպարապետի եղբայրը Վասակ, Ներսէհ և Հրահատ Կամնարականները:

Աղբվշնասալը և ուրացեալները կրկին ամօթերես մնացին: Մասեացոսն դաւառի Ակուռի զիւղի մօտ տեղի ունեցաւ ճակատամարտը. հայերի կողմից պատերազմի ժամանակ թշնամու կողմն անցաւ Գարջոյլ Մաղխաղունին հարիւր մարդկանց հետ. բայց մնացեալ երեք հարիւր հայերը դարձեալ յաղթող հանդիսացան: Աղբվշնասալ զլիտակոր փախուսատուաւ դէպի Պարսկաստան, ստանելով իր հետ ուրացեալներին:

Գուինի կաթողիկոսը եկեղեցական երգեցողութիւններով տօնեց այս զարմանալի յաղթութիւնը: Վահան և Սահակ ուրախ էին: Սէ որովհետեւ ձմեռը վրայ էր հասնում, սկսեցին զարման պատե-

բազմի պատրաստուելը Նախ և առաջ մարդ ուղարկեցին Վրաց Վախթանգ թագաւորի մօտ և նրա խոստացած օգնութիւնը խնդրեցին: Վախթանգը խաբէութիւններով մի քանի ժամանակ հայերին պահելուց յետոյ, երեք հարիւր սրիկայ հոներ ուղարկեց Հայաստան, որոնք սակայն շուտով էլի յետ դառան նրա հրամանով:

Նրսից օգնութիւն չը կար: Վահան սպարապետը տխրութեամբ տեսնում էր որ ի վերջոյ ինքը մենակ պիտի մնար, արդէն առաջին խորհրդից յետոյ քանիսնեքը դաւաճանել էին ուխտին: Գործը քայքայվում էր դեռ չը սկսուած: Վարելի էր չը հաւատալ և ամենահարազատ զօրականին, զարմանալի չէր լինիլ, եթէ յանկարծ դաւաճանէր և այնպիսին, որի վրայ ամենից շատ հաւատ ունէր Վահանը: Պէ՛հա ինչպէս ապականել է սարս-



կական ոգին մերոնց սիրտը, մտածում էր Վահանը երկար ժամանակ, իսկ մի քանի հարցեր շատ անհանգստացնում էին նրան: Ինչով էր հրապուրելի Վահանի կողմը, նա ոչ պարզև ունէր տալու, ոչ պատերազմական ճոխ աւարի խոստումն: Սյն ինչ արեաց Պերող արքայն կարող էր ամէնքին խեղբից հանել հարուստ ընձաներով: Մի՞թէ ինքը Վահանը մի ժամանակ չէր շլացել այդ պարզեաների փայլով: Որքան շատ էր մտածում նա այդ տխուր հանգամանքների վրայ, այնքան աւելի շատ էր համոզվում որ պէտք է զգուշութեամբ գործեր:

Յանկարծ նա յիշեց մի միջոց, որ վերջինն էր: Պէտք էր և այդ միջոցը փորձեր: Ուստի մի ձմեռնային ցուրտ երեկոյ գնաց կաթողիկոսի մօտ, յայտնեց նրան երկրի և իրերի դրութիւնը և դառ-

նապէս զանդատուէց հայերի անմիաբանութեան վրայ:

Վհհատառ ծերունին առանձնացած շարադրում էր իր զեղեցիկ երգերը: Սպարապետի խօսքերը տխրացրին նրան: Այո, իրողութիւնը այդպէս էր, նա համաձայն էր: Բայց և այժմ չը կորցնելով իր հոգեկան կորովը, նա հայրաբար խրատեց սպարապետին արի և եռանդոտ մնալ, իմանալով որ իր կողմն է Աստուած, որի համար հնարաւոր է և երեք հարիւրով մի քանի հազարներից բազկացած բանակը ցիր ու ցան անել, ինչպէս այդ եղաւ Ակուռիի մօտ: Ի վերջոյ հայրապետը խորհուրդ տուաւ Վահանին դառնալ նախարարական գօրեղ ցեղերին, որպիսիքն էին Արծրունիք, Անձեացիք, Ռշտունիք և Մոզացիք: Մամիկոնեանի միտքն էլ հէնց այդ էր: Բայց որովհետեւ այդ նախարարներից շատերը այնքան դո-

ուող էին, որ արհամարհում էին նորընտիր սպարապետին լոկ այն պատճառով, որ նա դեռ ջահիլ էր և ծագումով ոչ այնքան նշանաւոր, ուստի կաթողիկոսը համաձայնուեցաւ Սահակ Բաղրատունու հետ կատարել այդ միտքը: Իսկոյն ներս հրաւիրուեցաւ վեհարանի աւագ եպիսկոպոս Թաթուլը և կաթողիկոսի հրամանով սկսեց հրաւիրապրեր պատրաստել Հայոց աշխարհի զանազան կողմերի պետերին:

Թղթերը կրում էին կաթողիկոսի և մարզպանի ստորագրութիւնները և այսպիսի բովանդակութիւն ունէին.

«Գործը, որի մասին դուք հրաւիրվում էք, ո՛չ սնասարժութեան անունով է սկսուած, ոչ էլ մի բռնակալական և աշխարհակալական նպատակ ունի: Ձեզանից շատերը Պարսից արքունիքի վախից ակամայ ընդունել են մոխրապաշտու-

Թիւնը և այդպիսով քայքայելով մեր երկրի ոյժերը, ազատ կարողութիւն են տուել պարսիկներին բռնանալ մեր եկեղեցու վրայ, որի պաշտպանութեան համար, լաւ յիշեցէք, մի երեսուն տարի սրանից առաջ մեր հայրերը և եղբայրները սարսափելի մարտ մղելով, սուր ի ձեռին նահատակուեցան ճշմարիտ հաւատով:

«Պարսկական բռնութիւնը վերջին ճիգն է թափում մոզութիւնը Հայաստանում հաստատելու համար: Եւ արդէն, ինչպէս լսել էք, նախարարներից մի քանիսը միացել են այդ ծանր բռնակալութեան դէմ: Աստուած, որ Քեդէոնի ձեռքով պատուհասեց ամբարիշտ հեթանոսներին, որ իր սիրած Կարայէլին չը թողեց եգիպտական անարգ ծառայութեան մէջ և որ ջրերի տակ խեղդեց ամբարտաւան Փարաւոնին, որ յանդգնել էր ծաղրել Նրա զօրութիւնը, նոյն Աստուածը



այսօր էլ կենդանի է և մեզ հովանաւոր։  
Սյգ պարզ ցոյց տուեց նրանով, որ աշ-  
խարհի առաջ իր սակաւաթիւ ծառանե-  
րին շնորհեց մի այնպիսի յաղթութիւն,  
որի վրայ զարմացած մնաց նոյն ինքն  
խաչի թշնամին։ Ապա ուրեմն շտապեցէք  
մասնակից դառնալ այս սուրբ գործին,  
ընդունել Քրիստոսի անանց փառքի  
պսակը։

«Արդարև դուք լաւ գիտէք մեր սուրբ  
օրէնքը և ձեզ ուսուցանելու միաք չու-  
նինք մենք։ Ուրեմն էլ ինչի՛ հնք սպա-  
սում եկէ՛ք ժողովուենք եկեղեցու թըշ-  
նամու դէմ, յաղթենք, եթէ մեզ վիճա-  
կուած է յաղթել և ապրելով տեսնենք  
թշնամու կորուստը, իսկ եթէ մահը ան-  
խուսափելի է, մեռնենք ապագայ կեան-  
քում հրձուելու համար։

«Գործի մանրամասնութիւնները կը  
պատմէ ձեզ կաթողիկոսական նուիրակ

Գարեգին եպիսկոպոս, որ այս թուղթը  
հանդերձ հայրապետական օրհնութեամբ  
պաշտօն ունի յանձնել ձեզ :

Գարունը էր նոր բացուել, երկիրը հեազ-  
հեազ դէն էր գցում իր սպիտակ վեր-  
արկուն: Տաք հովը երկրագործ հային  
դաշտն էր կանչում, իսկ խաշնարածին  
ցոյց էր տալիս մարդերի և դեռավների  
նորարողութիւնը: Այդ ժամա-  
նակները միայն Գարեգին եպիսկոպոսը  
իր յանձնարարականը վերջացրած, արը-  
տում ախուր Գունն էր դիմում: Նա  
շտապում էր պատմել զառամեալ հայրա-  
պետին թէ ինչ սառն ընդունելութիւն  
գտաւ առաջնակարգ նախարարների  
կողմից:

« Ա՛չ իզուր յոյս է ոչինչ չի կարելի  
անել: Մեր առաջնորդող մարդկանց զո-  
ռողութիւնն ու անմիաբանութիւնը վեր-  
ջին պատիժը պիտի հասցնէ մեր խեղճ

Հայրենիքին՝, ասում էր Վահանը ինքն իրան, եպիսկոպոսի վերագարձից յետոյ:

Եւ նրա զայլոյթը այնքան էր, որ նա ուզում էր լաց լինել:

Զատիկից մի շաբաթ էր անցել: Մի մարդ իր ձիու կողերը անզագար փշրելով արդէն հաս ու հաս էր Գուինի դռներին: Նրեում էր որ նա սուրհանգակ էր և շտապում էր ժամանակից մի ժամ առաջ տեղ հասցնել իր հետ բերած կարևոր լուրը: Տեսնելով սակայն, որ ուժասպառ կենդանին այլ ևս շարժուելու կարողութիւն չունի, նա թռաւ իջաւ դետին, սանձը գցեց ձիու գլխով, մի քանի խօսք ասաց իր մօտով անցնող մի հային և ինքը աճապարանօք դիմեց դէպի քաղաք: Շուտով նա հասաւ կաթողիկոսարանը:

Դա մի անձեացի զինուոր էր, որ պատմեց թէ ինչպէս իր տէրը, Յովհանն Անձեացին և Ներսէզ Երուանդունին իրանց մարդկերանցով զալիս էին Վահանի խմբի հետ խառնուելու, բայց Առեստ զիւղաքաղաքի մօտ նրանց ընդ առաջ ելան Անձեացեաց տէրը Սեուկ և Մոկաց իշխան Յովհաննը, որոնք զայրացել էին, թէ ինչու նրանք գնում էին սպարապետի օգնութեան, երբ իրանք բացէի բաց մերժել էին կաթողիկոսի հրաւերը: ՝ Առեստի մօտ ճակատ ճակատի կանգնեցին երկու հայ զօրքերը, պատմեց սուրհանդակը. մեր կողմից շատերը մարտի անպատրաստ էին, բայց և այնպէս Աստուծոյ անուներ տալով սաստկաբար յարձակուեցանք, ջարդեցինք, ընդդիմադրեցինք: Երուանդունին և իմ տէրը կռւում էին Յովհանն Մոկացու հետ: Մենք անհամբեր սպասում էինք թէ ինչ



վերջ կունենայ դրանց կռիւը: Մոկացուն  
մենք շատ էինք ատում, որովհետև նա  
ճաղրել էր մեր տիրոջը, ասելով թէ  
Յովհան Անձեացին ոչ մի բանի պէտքա-  
կան չէ, պէտք է նրա վիզը մի օղակ  
դցել և կովի պէս կապել: Նրանց կռիւը  
երկար չը տևեց, իմ տէրը և Ներսէհ  
իշխանը շրջապատեցին նրան ետևից և  
առջևից և ես ինքս տեսայ թէ ինչպէս  
մեր իշխանը սրի ոյժովն հարուածով  
երկիր կործանեց նրան: Զօրքը փախս-  
տական դարձաւ և մենք հետապնդեցինք  
ու շատերին կոտորեցինք: Իշխանը հրա-  
մայեց ինձ փութալ պատմել սպարապե-  
տին այդ ամենը, յայտնել որ իրանք եր-  
կու օրից այստեղ կը լինին և որ զգու-  
շութեան միջոցներ ձեռք առնեն Հայոց  
զօրքերը: Յաղթուած նախարարները հը-  
զօրներից են և երևի վրէժխնդրութիւ-  
նը շուտով զէնք բարձրացնել կը հարկա-

դրէ յաղթուածի և սպանուածի ազգա-  
կաններին: Բայց այդ՝ ամենից լաւ կը  
լինէր, եթէ սպարապետը մեզ օգնելու  
համար պատրաստի այրուծի ունենար.  
մեր զնգերը այնքան սակաւաթիւ են, որ  
կարող են ամեն ժամանակ վտանդի են-  
թարկուիլ:

Սուրհանդակի հաղորդած լուրը շու-  
տով իմացաւ բոլոր քաղաքը. մեծամաս-  
նութիւնը ուրախանում էր, որ Աստու-  
ծու օգնութիւնը ուխտապահների կողմն  
էր: Իսկ կաթողիկոսը աւելի ևս վշտա-  
ցաւ այդ լուրը աննկուց յետոյ: Նրկու  
հարազատ ազգակիցներ արխն են թա-  
փում և ինչի՞ համար: Այդպիսով կա-  
րող էր ներքին ընտանի խռովութիւն  
ծագել, որ աւելի ևս ոյժ կը տար արտա-  
քին թշնամուն: Յանր էր այդ, շատ ծա-  
նրը: Հայասպետը երկար մտածում էր  
դառնացած սրտով: Ի՞նչ պիտի անէր

Վահանք մի սակաւաթիւ խմբի հետ. և նոյն ժամանակ, երբ նրանից օգնութիւն են պահանջում, Պարսկաստանից վատ լուրեր էին հասնում: Պերոյը կատաղած էր Վահանի վրայ և պատրաստովում էր պատժել նրան: Շուտով ուրեմն պարսիկ զինուորները կողոզեն Հայաստանը. ո՞վ կը գիմարէ նրանց:

Նւ կաթողիկոսին շատ էր տանջում այդ հարցը: Նա նայում էր իր շուրջը. ամեն տեղ անտարբերութիւն, սառնութիւն էր տեսնում, մինչև իսկ անհաշտ թշնամութիւն:

Բայց փառաւոր ծերունին չը յուսահատուէր. նայեց իր վրայ, յիշեց իր սիրելի քաջերին: Նա վճռեց գործել... Նւ իր սպասաւորին Վահանի ետեւից զրկեց:

## ՍՍՀՍԿ ԵՒ ԱՏՐՆԵՐՍԷՀ

Ապրիլը վերջանում է: Նրեկոյեան անուշաբոյր օդը մի կերպ թմրութիւն է ազդել երկու ձիաւոր ճանապարհորդներին, որոնք գնում են դէպի Արտազի Գոմաձոր գիւղը: Նրանց յոգնած ձիաները ծոյլութեամբ են յառաջ գնում: Ձիաւորները լուռ էին, ամեն մէկը իր մտքերի հետ առանձնացել էր: Արեգակը մայր էր մտել, գիւղի հօտերը բառաչելով արօտներից դանդաղ յետ են դառնում դէպի ձորի աղբիւրը: Նրանց առաջնորդում է փոքրիկ հովուի սրինգը, որի բարակ ու քաղցր ձայնը լսելով առ ժամանակ կանգ են առնում մեծ ճանապարհով գնացող



գիւղացիները: Նրանցից մէկը, մի սպիտակահէր ծերունի նստեց ճանապարհի կողքին, որպէս զի չալ էշը կուշտ արածէ և հանգստանայ: Քարնան խաղաղ օդը, սրինգը, անասունների աղաղակը այնքան գուրեկան էին ծերունուն, որ նա պառկեց կողքի վրայ, ահազին ցուպը գլխատակին դնելով:

Նա կը քնէր, եթէ չը լսէր հեռուից ձիու ոտնաձայնը: Նրկիւղը հարկադրեց կանգնել տեղից. սակայն ահսնելով, որ էշը հանդարտ արածում է, հանգստացաւ և առաջ գնաց: Նուտով հասան ձիաւորները, որոնք մեզ յայտնի երկու լուռ ճանապարհորդներն էին:

— Սյս մէկին ճանաչում եմ, իսկ այն միւսը առաջին անգամն է պատահում, ասաց ծերունին և կանգնեց, բարի երեկոյ մաղթեց եկողներին: Նրանք միաբերան պատասխանեցին, իսկ մէկը աւելաց-

րեց թէ ինչպէս է ապրում Սահակ Հայրիկը:

— Բայց ընտեղեց, Գրիգոր եղբայր, Հարցրեց ծերուկը, և ուր բարի:

— Ներսէհապատից ենք գալիս, Հայրիկ, պատասխանեց Գրիգորը.— Իսկ այս զիշեր գիւղում պիտի մնանք. ընկերս առաջ գնալ չի կարող:

Հայրիկը ուշադրութեամբ նայեց ընկերին և այժմ միայն իմացաւ որ դա մի զինուոր էր, որի աջ թևի վրայ վերականգ կար դրած:

— Երևի ընկերդ կուուել է մէկի հետ, Հարցրեց նա:

— Ոչ թէ մէկի, այլ շատ շատերի հետ: Միթէ չի՞ս լսել, որ երէկ պատերազմ է եղել Ներսէհապատի մօտ:

Մերունուն խիստ հետաքրքրեցին այդ խօսքերը:

— Ամբողջ երկու շաբաթ է սարերու-

մըն ենք լինում, պատասխանեց նա. —  
ո՞վ էր պատերազմողը. անցեալներում լը-  
սում էինք թէ աւագակների խմբեր են  
չըջում Արասդի սահմաններում...

—Ո՛չ, ո՛չ, հայրիկ. պատերազմը պար-  
սիկների հետ էր:

Ծերունին վեր քաշեց յօնքերը և զար-  
մացած նայեց Գրիգորին. սյգ լուրը, ե-  
րևի, սարսափ զցեց նրա մէջ:

—Ձե՛ս լսել Վահան Մամիկոնեանի ա-  
նունը, շարունակեց Գրիգորը. —նա է մեր  
այժմեան սպարապետը: Վռիւր շատ սաս-  
տիկ էր և Սատուծոյ ողորմութեամբ մեզ  
համար լաւ վերջացաւ:

—Վահան, Մամիկոնեան... Եւ ծերու-  
նին սկսեց մտածել:—Մեր սպարապետի  
ազգից: Հա՛, Ճանաչեցի, Հմայակի միջնակ  
որդին: Ես նրան տեսել եմ երբ նա դեռ  
պատանի էր: Ես ինքս էլ Տարօնից եմ և  
երեսուն տարեկան հասակումս զինուոր

էի Վարդանի գնդում: Այդ որսորդը մի թէ  
այժմ այդքան առաջ է գնացել:

— Այո՛, հայրիկ, եթէ երէկ տեսնէիր  
պատերազմի դաշտում, անպատճառ ա-  
ռիւծ Վահան կանուանէիր:

— Հօրեղբօր զոյգն է, ասաց ծերունին  
շտապով և մի ծանր հոգոց հանեց սըր-  
աից: — Առիւծ, առիւծ հօրեղբայրն էր,  
լուսահոգին: Հօրից, պապից լսած չէի  
թէ այդպիսի մարդ կը լինի: Նս ինքս էլ  
կայի Աւարայրի պատերազմում. և այն  
տարուց յետոյ բնակվում եմ այս կող-  
մերում:

Յանկարծ նա փոխեց խօսքը:

— Ընկերիդ վէրքը փտանդաւո՞ր է:

Զինուորը պատասխանեց, որ սրի մի  
թեթիւ քերթուած էր, որ կտրել է մի  
հրակ. և արիւնահոսութեան առաջն առ-  
նելու համար վիրակապ էր դրել:

— Նս կարող եմ շատ թեթեւացնել



ցանն, որդի, ասաց ծերունին. — Հին արհեստս չեմ մոռացել. Աւարայրի մարտից յետոյ շատ արիւնասհոս վէրքեր եմ բռժշկեր:

Զինուորը հանգստացրեց ծերունուն, որ ոչինչ վատնոց չը կայ իր վէրքից:

Գիւղը մօտ էր. շների հաչոցը բոյորովին պարզ էր լսվում: Զինուորները գնում էին ծերունու ոտով:

— Այո՛, Սահակ հայրիկ, երեկուայ մարտը փառաւոր էր, խօսեց Գրիգորը, երբ նրանք բաւական տեղ լուռ գնացել էին:

— Ի՞նչ ուրեմն Վարդան սպարապետի զինուորն ես եղել, հարցրեց զինուորը:

— Այո՛, Վարդանի զինուոր: Ո՞ւր է, կոյ այժմ մի մարդ, որ կարողանայ արժանապէս սզալ այդ հսկայի մահը: Մոռանում են հեռոցհեռ: Քայց նա մեռաւ առիւծի պէս, նրա դիակը մեր աչքի ա-

ուաջ ընկած էր. բոլոր կենդանի մնացած  
զինուորները երեխայի պէս լաց էին լի-  
նում նրա վրայ. այնքան սիրում էինք  
լուսահոգուն:

— Խիստ պէտք է լինէր պատերազմը,  
նկատեց զինուորը ծերունուն շատ խօ-  
սացնելու համար:

— Ի՞նչ խիստ: Նետերի բազմութիւնը  
մթնացրել էր Աստուծու պարզ օրը:  
Պարսիկները մըջիւնի պէս ցրվել էին  
դաշտի վրայ, փղերով կռվողները ջոկ էին,  
ձիաւորները ջոկ: Ահ ու դողը պատել  
էր մեզ. կորցրել էինք մեր զօրավարնե-  
րին, խառնուել էինք. ով ում հասնում  
էր, զարկում էր տապալում: Սարսափելի  
ձայնն էր, որ որոտում էր ամեն կողմում:  
„Քաջ սողէլք, զարկէք“, գոչում էր ու  
վահանը ձեռքում աջ ու ձախ մահ էր  
տարածում: Բայց, ո՞հ, նոյն երեկոյին  
մենք որոնում էինք քաջի գիակը: Նրան

ես ճանաչեցի սրի խաչանիշ պատեա-  
նով, որ շատ անգամ սրբել էի: Նրան  
քնած կասէիր, եթէ չը տեսնէիր սրաի  
մէջ ցցուած նետը:—Ո՛չ, այդպիսի պա-  
տերազմ չի եղել և չէք տեսնելու: Եւ այն  
ժամանակուայ հսկաները ո՛ւր են այժմ:  
Նրբ մի մի գնում եմ դէպի Տղմուտ գե-  
տը, լացս դալիս է, յիշելով մեր զօրքի  
դասաւորութիւնը, յիշելով և հայ քաջե-  
րի դիակները, որ պատերազմից յետոյ  
լացով կոծով բանակ էին բերում: Այժմ  
չը կան այն քաջերը. մնացել են թուլա-  
սիրտ տղաներ:

—Ոչ, հայրիկ, ընդհատեց Գրիգորը.—  
եթէ դու տեսնէիր երեկուայ կոտորածը,  
կասէիր որ դեռ քաջեր շատ կան: Մեր  
Վեհափառը անձամբ եկել էր պատե-  
րազմ: Ամասարական եղբայրները ինչե՛ր  
էին անում, Տէր Աստուած...

—Վեհափառն է՛լ կար, ինքը Մանդա-



կուներն:

— Այ՛ն, նա ինքք: Օրհնեց ամենքին,  
սիրտ տուաւ Իսկ երբ զինուորները յետ  
էին դառնում կատրածից, նա նրանց  
տուաջր զնաց սաղմոս երգելով:

— Ի՛նչ նմանութիւն անցեալին... Սիրտս  
մորմոքում է: Պատմեցէք, որդիք, տեսնեմ  
էլ ինչ կար:

Սւ տեսնելով որ արդէն մութը կոխել  
է, ծերուկը շտապով աւելացրեց.

— Այս երեկոյ հիւր եղէք ինձ և պատ-  
մեցէք:

Ձինուորը համաձայնեցաւ, իսկ Գրիգոր  
ըն սասց, որ ինքն էլ կը գայ մի ժամ  
կը մնայ Սահակի մօտ և էլի կերթայ իր  
ազգականի տունը, ուր պիտի լիջւանէր:  
Նրանք գիւղը մտան:

Քիչ ժամանակից յետոյ զիւղականի  
պարզ յարկի տակ վառած էր կրակը:  
Սահակի չարսը ընթրիքի հտեւից կացաւ,



խկ միւսները շրջապատելով զինուորին,  
խօսեցնում էին երեկուայ օրի մասին:  
Հիւրի գալուստը արագաբար տարածու-  
ել էր զիւղում և շատ զիւղականներ  
հաւաքուել էին պատմութիւնը լսելու  
համար: Նախ իմացան, որ զինուորի ա-  
նունը Ատոմ էր, հրահատ իշխանի մարդ-  
կանցից մէկը, որ գնում էր Բուին մե-  
ծամեծներին և յատկապէս Աամսարական  
տիկնոջ պատերազմի անցքը պատմելու  
համար:

« Պարսից զօրքը, պատմում էր Ատոմ,  
բաժանուած էր չորս գնդի, որոնցից մէ-  
կը պատկանում էր Սիւնեաց իշխան ու-  
րացեալ Գլխոնին: Այդ գունդը ամենից  
սրտապինդն էր և աշխատում էր խախ-  
տել մեր զօրքի ձախ թւը: Սպարապետը  
հրաման զրկեց մեր միւս գնդերին սպա-  
սել, մինչև ինքը կը ցրուէր Սիւնեաց և  
Աատչաց գունդերը: Մինչդեռ նա այդ

բանն էր գրուխ հանում, պարսից միւս  
գնդերը մեզ վրայ յարձակուեցան և քան-  
դեցին մեր կարգ ու կանոնը: Պատերազ-  
մը անհնարին սաստկացաւ: Շատերը ցը-  
րուեցան, իսկ շատ շատերը կը ցրուէին,  
եթէ չը տեսնէին մեր մարդպանի, Սա-  
հակ Բազրատունու մեծ զործը: Սա տես-  
նելով պարսից սպարապետ Ստրնեբսէհ  
Սաղարին, գնաց դէպի նրան: Սպարապե-  
տը ամբողջ արեաց ազգի մէջ հռչակա-  
ւոր է իբրև մի անհնարին քաջ պատե-  
րազմնոյ: Մեր բոլորի սիրտը ջուր կտրեց  
երբ տեսանք նրան, որ պատրաստվում  
էր աշտէն խրել մարդպանի կողի մէջ:  
Բայց Բազրատունին շտապեց նախ ինքը  
նիզակ արձակել նրա վրայ. նիզակը սա-  
հեցաւ ընկաւ գետնին, չը կարողանալով  
ծակել Ստրնեբսէհի կարծր զրահը: Կա-  
տաղեց վերջինս և նոյնպէս զարկեց նի-  
զակը, բայց նոյնպէս անյաջող. զրահը

պաշտպանեց և մեր մարդպանին: Ահա այդ ժամանակ տաքացաւ սոսկալի մարտը. երկուսի ամեհի ձիերը միմեանց մօտեցան, ծառացան. նրանք, ինչպէս առիւծներ, յարձակվեցան միմեանց վրայ: Բռնեցին միմեանց մազերից, կռվում և կռվում էին, միմեանց ծեծում էին: Մարդպանի բանը պրծաւ, աղաղակեցին մի քանիսները մեր կողմից, լաց լինողներ էլ կային: Բայց յանկարծ տեսան, որ վիթխարի Ատրներսէհը ձիուց ընկաւ. էլ չը զիտենք թէ ինչպէս, բայց նա շուտով անհետացաւ կռւի միջից: Այդ իսկ ժամանակ սպարապետը Վամսարական եղբայրների հետ մոլեգնաբար վրայ տուին: Սրբիի պէս անցնում էր դաշտի վրայով. Ներսէհ Վամսարականը և նրա ետեւից իմ տերը, հրահատ իշխանը: Գուք տեսել էք թէ ինչպէս հասած թուխը գտին է թափվում, երբ թթենու ձիւղե-



բից մէկը ստանում է սաստիկ հարուած:  
Ահա նոյն օրինակ կոտորվում, գետին  
էին ընկնում պարսիկները: Սպարապետը  
սպանեց պարսից մի զօրապետին, իսկ  
Ներսէհը մի ուրիշին այնպէս սաստիկ  
զարկեց, որ նա ձիու գլխով թռաւ, գե-  
տին գլորուեց: Մինչ այդ ամենը կատար-  
վում էր, յետ դարձան փախչողները և  
գործը վերջացրին: Պարսիկները հա-  
լածական դառան, մենք յաղթեցինք ւ:

Գիւղացիները ապշած էին մնացած:  
Իսկ ծերունի Սահակի աչքերում երևացին  
արտասուէքներ: Նա շնորհակալութեան  
ջերմ ազօթք արաւ և էլի սկսեց Ատո-  
մին հարց ու փորձ անել, մի անգամ  
ասածը երկու երեք անգամ կրկնել  
տար:

— Աստուած յաղթութիւն պարգևեց  
մեր մարգպանի մենամարտով, վերջաց-  
րեց Ատոմը և բոլորը ընթրիքի նստեցին:



ՀԱԻԱՏԱՐՄՈՒԹԵԱՆ ՁՈՂԵՐ

Նոյն տարուայ սեպտեմբեր ամիսն էր: Հայաստանի դէմքը կրկին էլի տխուր էր: Հիւսիսից հեռոցհեռէ հասնում էին աղետալի լուրեր: Երեք ազնուազարմ այրիներ սգում էին իրանց դառն բախտը: Մէկն էր Սահակ մարգարանի կինը, միւսը Վասակ Մամիկոնեանի կինը և երրորդը Հրահատ Վամսարականի կինը: Վերջինը դեռ չէր մոռացել այն սուր կակիճը, որ թողել էր նրա սրտում փոքրիկ Խորէնը, և ահա կորովի ամուսնու կորուստը դալիս էր սև օրը աւելի ևս մթնայնելու: Ենքը Վահան սպարապետը փակուած էր Տայոց աշխարհի ծմակոտ վայրերում հարիւր հատ միայն հաւատարիմ մնա-

ցած զօրականների հետ: Նրա թշնամի-  
ները գոհութեամբ շփում էին ձեռքները  
և հպարտ հպարտ ասում. «Տարօնեցին  
հեռու չը գնաց, և շատ էլ լաւ եղաւ.  
նա չը կարողացաւ մարդկանց աչքը մո-  
խիր փչել»: Իսկ ծերունի Յովհան կաթո-  
ղիկոսը տրտում տխուր նստած  
էր Գուխնում: Նրա հայրական սիրտը ցա-  
ւում էր Հայաստանցու հէք զաւակի  
փրայ: Ի՞նչ կը լինի վերջը, ի՞նչ կը դառ-  
նայ Վահանը—ահա հարցեր, սրտնք կրտ-  
րել էին հայրապետի քունը: Նա աղօ-  
թում էր...

Ո՞վ էր այդ ամենի պատճառը:—Մի  
վատշուէր, օտարազգի, մի խարդախ  
մարդ:

Իսկ Վախտանգն էր: Սպասաւհերով  
պարսիկներից, նա յանկարծ իմացաւ Միհ-  
րան զօրավարի արշաւանքը դէպի Վրաս-  
տան և այդ ժամանակ յիշեց, որ երբեմն

Հայերը նրանից օգնութիւն էին խընդ-  
րել և դաշնակից էին իր հետ: Ուստի  
Հայերին օգնութեան կանչեց և իրք սը-  
րանք իրանց անխարդախ հաւատարմու-  
թիւնը ցոյց տալու համար զնացին ցոյց  
տուած տեղը, տեսան որ համարեա մե-  
նակ պիտի կռուին պարսից դէմ, իրանք  
վրացիք շատ քիչ էին, իսկ հոների խոս-  
տացած օգնութիւնը չը կար:

Պատերազմի ժամանակ շատ քաջու-  
թիւններ գործեցին Հայերը, բայց վերջ  
ի վերջոյ ստիպուեցան յետ դառնար,  
որովհետեւ Հայ բանակի մի մասը անցել  
էր թշնամու կողմը: Մեծ էր այդ կորուս-  
տը, բայց և ոչինչ ուրիշ կորուսաների  
մօտ: Սահակ Բագրատունին, Խորենացու  
լուսամիտ մեկենասը, ընկաւ պատերազ-  
մում. ընկաւ և Վասակ Մամիկոնեանը,  
իսկ Հրահատ Վամնարականը գերի ըն-  
կաւ պարսից ձեռքը. ձին սաստիկ սր-



շաւիյիս գցել էր նրան, իսկ ոտով երկար չէր կարողացել փախչել: Միհրանը նրա վզին մի շղթայ անցկացնելով, տարաւ իր հետ:

Վահան սպարապետը իր մօտ մնացած հարիւր մարդկանցով ամրացել էր Տայոց աշխարհի Մկնառինջ գիւղում, ժամէ ժամ սպասելով թշնամուն և մի ժամ անգամ չը լքվելով և չը մտածելով թըշնամու զօրութեան մասին:

Միհրանը թէև դիտէր հայերի աննշան քանակութիւնը, բայց չէր համարձակվում պատերազմ սկսել Վահանի հետ: Եւ համոզուած լինենով թէ իր զօրութիւնն ու տարած յաղթութիւնը բաւական խախտած կը լինի հայ սպարապետի արիութիւնը, մարդ ուղարկեց նրա մօտ և պահանջեց անձնատուր լինել:

«Ի՞նչ ապստամբեցար մեր դէմ և ահայդ դրութեանը հասար, իմաց էր տա-



իս Միհրանը. — ինքդ էլ գիտես թէ ինչ է քո պատիժը: Բայց որովհետեւ քաջ ես, բաւական է միայն յօժարուիս խաղաղութեամբ հպատակուիլ արեաց արքային. այն ժամանակ ես կը հաշտեցնեմ քեզ նրա հետ և կաշխատեմ որ չը գրկուիս քեզ արժանի պարգևից: Աէտք չէ թագաւորի ծառայութիւնը անգոսնելը:

Ի՞նչ կանէր մի ուրիշը, եթէ լինէր Վահանի տեղ: Մի հարիւր մարդու հետ մնացած, քաջ զինակիցներին կորցրած, ընկած հեռու հիւսիսում մի լեռնական գիւղի մէջ, նա ոչ մէկից օգնութիւն չունէր սպասելի, իսկ Միհրանը կարող էր իր զօրակոյտով հուպ տալ, ճմլել նրան: Եւ դեռ այսպիսի դրութեան մէջ նրան առաջարկում են հաշտութիւն, պարգևներ:

Ով ինչպէս կուզէր, բայց Վահանը պատասխանեց Միհրանին.

Պարսից ծառայութիւնը ես չեմ ան-  
 դոննում, այլ ինքը թագաւորը: Ծառայու-  
 թիւնը սուրբ է, երբ մարդու ճշմարիտ  
 արժանիքն է փայլեցնում: Թագաւորն է  
 ծառայութեան գլուխը և նա պիտի լաւ  
 նայէ, որ կարողանայ լաւը վատից որո-  
 շել: Բայց ռրտեղ տեսանք թէ նա գիտէ  
 արժանաւորին ըստ արժանեաց դատել:  
 Ձեզ իսկ յայտնի է, որ Պերոզը իր դիւա-  
 նում ամենքի առաջ ասել է, թէ աշխար-  
 հումս վատ մարդը և անպիտան զունդը  
 ասորին է, բայց ասորուց վատթարա-  
 գոյնը հայն է: Եւ այս խօսքերը թագա-  
 ւորի բերանից դուրս էին գալիս այն  
 ժամանակ, երբ հայերը պարսկական  
 զօրքերի շարքում արիւն էին թափում  
 նրա համար, երբ հայոց եկեղեցին աղօ-  
 թում էր նրա երկար կենցաղավարու-  
 թեան համար: Եթէ դու լինէիր մի հայ,  
 ի՞նչպէս կը լսէիր այդ վկայութիւնը: Զը

գիտեմ, բայց ինձ համար կասեմ, որ հոգով յօժար կը լինէի մահուանս հրամանը լսել Պերողից, քան թէ այդ խօսքերը: Ինչ վերաբերում է խոստումներիդ, կասեմ որ այդպիսի պարզեաներ շատ եմ ստացել այն ժամանակ, երբ խաւարը պատել էր միտքս և ես ուրացել էի իմ հայրերի պաշտած Աստուածը: Բայց այժմ դրանք ինձ համար գին չունին: Ես պատրաստ եմ ապրել իբրև մի յետին աղքատ, պատրաստ եմ չարաչար մահով վերջացնել աղքատի ձեռօքս, բայց ոչ երբէք դաւաճանել հայրենիքիս Պերող արքայի շքեղ պարզեաների յոյսով»:

Կատաղեց Միհրանը: Մինչդեռ իր մըտքում Վահանի կորուստն էր նիւթում, վրայ հասաւ Պարսկաստանից արքունի սուրհանդակը: Պերողը հրամայում էր Միհրանին Պարսկաստան աճապարել: Այդ հրամանը խորտակում էր պարսիկ ղօրա-

վարի մի խորհուրդը, որ յղացրել էին  
դաւաճան ուրացողները: Հաւատացած  
լինելով, որ Վահանի և միւս ապստամբ  
հայերի հոգին կաթողիկոսն է, Միհրանը  
մտադիր էր մտնել անպաշտպան Բուինը  
և Մանդակունուն գերելով Պարսկաստան  
տանել իր հետ: Բայց նա էլ ժամանակ  
չունէր, շտապեց ճանապարհ ընկնել:





## ՅԱՒԱԿԻՑ ԵՂԲԱՅՐ

Միհրանի գնալը եթէ ուրախառիթ էր բոլորի համար, անհնարին կսկիծ պատճառեց Ներսէհ Կամսարականին. պարսից գորքերի հետ Պարսկաստան էր գնում կալանաւոր Հրահատը, որին մի դառն փախճան էր սպասում Պերոզի առաջ: Արդէն Ատոմը իմաց էր տուել իշխանին Զարուհի տիկնոջ դրութիւնը: «Տիկինը խելքը կը կորցնէ», ասել էր Ատոմը վճռաբար. «գիշերները քուն չունի, միշտ լաց է լինում, ասում է թողէք մի անգամ էլ տեսնեմ նրան և ապա տարէք»: Անքուն գիշերներ շատ էր անցկացրել և ինքը Ներսէհ իշխանը: Մի այդպիսի եղ-

բօր կորուստը դուցէ նա կարող կը լինէր մտքից դցել, եթէ չը լինէր հայոց փոքրաթիւ բանակը, որ մի օր չէր մոռանում Հրահատի անունը: Ձինուորները միշտ պատմում էին նրա քաջագործութիւնները. գովում էին, և այդ բոլոր խօսքերը վերջացնում էին դառն ավստասանքի ահա ու վաշով: Ինքն սպարապետն էր, որ մինչև այժմ ոչ մի թշուառութեան մէջ չէր ցոյց տուել տխուր դէմք, Միհրանի չուն լսելուց յետոյ խիստ յուզուած էր երևում: Պարզ երևում էր, որ այդ սակաւախօս մարդը մտքով ողբում է իր քաջ նիզակակցի կորուստը: Յիսաւի որ Հրահատի տեղը ոչ ոք չէր կարող բռնել:

Միհրանի ետևից հայոց զինուորները բռնեցին Գուինի ճանապարհը: Այդ տեղափոխութեան ժամանակ մի օր Ներսէհ Կամսարականը իր չորս հաւատարիմ ծա-

ուաների հետ անհետացաւ Վահանի բանակից: Երկու օր զօրախումբն սպասեց նրա վերադարձին, բայց ի զուր: Ի՞նչ էր պատահել նրան, այդ ոչ ոք չը գիտէր: Վահանը ճարահատեալ գլխակօր շարունակեց ճանապարհը:

Մութ աշնանային գիշեր է: Աստիկ հեղեղը թափվում է սեւթոյր ամպերից, դժոխային թանձր խաւարը չի թոյլ տալիս ոչինչ բան տեսնել: Միայն Բողբուհանգ գաւառի Բագաւան գիւղը ամնող ճանապարհի վրայ վաղող ձին է իմանում թէ ուր է գնում: Խելօք կենդանին մինչև անգամ չի ընկնում մեծ լճակների մէջ, որոնք անձրևի ջրից են կազմվել ճանապարհի խորտաբորտ տեղերում: Նա վազում է, երբեմն կանգ է առնում և իր զլուխը դէս ու դէն ցցելով հոտոտում է օդի մէջ: Զիտ անէրը լուռ է, անշարժ. ամեն ինչ թողել է ձիու կամքին: Եւ

իր սեփական անձի մասին էլ շատ չի  
մտածում ձիաւորը. նրա վերարկուն էլ  
բաւական կախ է ընկել ձիուց, նա կար-  
ծեա չի զգում որ անձրւն զգալի կերպով  
վարարել է: Խոր ձորերից անընդհատ  
լսվում են ահեղագոչ հեղեղատների որո-  
տոցները. ամեն մի առուակ պեա էր դա-  
ռել և սպառնում էր կլանել ամեն ինչ,  
որ իր ճանկն ընկնի: Բայց ձիաւորը ուշ  
չի դարձնում դրանց փրայ: Նա չի զո-  
ռում և ձիուն, որ յանկարծ փոխեց  
քայլերը և սկսեց աւելի հանդարտ դը-  
նար: Բնազգմամբ հասկանալով որ դա  
առունց պատճառի չէր, ձիաւորը յետ  
զցեց գլխի ծածկոցը և անձրւնի տարա-  
փի միջով տեսաւ հեռու կրակներ: Այդ  
սպօտ լոյսերը նրան հանգստութիւն  
տուին:

Այն ժամից յետոյ ձիաւորը մտաւ Բա-  
գաւան գիւղը, մի խրճթի մօտ գնաց և



զրսի դուռը ծեծեց: Իսկոյն դուրս վազեց մի երիտասարդ, որ ներս թողեց ձիաւորին:

— Զին կապելու հետք տես, տասց եկուորը, ժամանակ չը տալով անգամ որ իրան լաւ ճանաչէ տանից դուրս եկածը, որ իսկոյն բռնեց սանձը և ձին աստուղէպի մի կողմ:

Մանկով մի բոլորովին թափուր սենեակ, եկուորը դէն դցեց իր ջուր կարած վերարկուն և կախ արաւ պատից, որ ջրաքամուի:

Դա Ներսէհ Ամասարականն էր:

— Ի՞նչ լուր, Ատոմ, մի բան շինե՞լ ես, թէ արդէն ամեն ինչ վերջացել է, դարձաւ իշխանը դէպի նոյն երիտասարդը, որ ձին տեղաւորելուց յետոյ յետ դառաւ տուն:

— Բանակը ո՞րտեղ է:

— Մի քիչ բան եմ շինել, աէր իմ,

Յրէկ ես հասայ այստեղ և խմացայ որ իշխանը այս մի զօրսբաժնի հետ է, որ այժմ իջևանել է զիւզի մօտ և ոչ թէ այն բանակում, որ մնացել էր սարի միւս հոգմում, ինչպէս զու էիր կարծել. և ուղում էի յետ դառնալ և խմաց տալ.

— Կարձ՝ կարիւր, Ատամ, զիւզացիներից ևս էլ խմացայ, որ Միհրանը այս մի բանակումն է և նրա հետ են բոլոր զերիները. զու այն աստ թէ ինչ արիւր:

— Պարսիկ զինուորի հագուստով մտայ բանակը. տեսայ իշխանին և մի յարմար ժամանակ ծարելով աչքերովս նշան արի, որ փախչելու պատրաստ լինի. զու զիտես որ իշխանը լաւ է հասկանում այդ նշանները.

— Դարձեալ հեռացար, ընդհատեց իշխանը խիստ ձայնով. — յետոյ ինչ է դառնում:

— Իրիկնապահին մի վրայի զերի կար

ընկած աղբրի մօտ. խեղճին շուաններով  
պինդ կապտակ էին զինուորները, — իսկ  
իրանք մերձակայ այգում խումփում էին,  
ես վրացուն ազատեցի և փախցրի... բայց  
վերնահազուստը փոխեցի...

Աստմը տեսնելով որ Աամարականի  
աչքերը վառվում են, յանկարծ փոխեց  
իր ոճը և շտապով ասաց.

— Նրա շորերն այստեղ են, քեզ հա-  
մար...

— Կաւ, հասկացայ, ուրեմն ես վրացի  
գերի կը դառնամ, իսկ դու պահապան  
պարսիկ զինուոր և այսպէս բանակ կը  
մանենք:

— Սյո՛:

— Իսկ այստեղ մեր ձիաները կը պատ-  
րաստէ Ներսէհը, այնպէ՞ս չէ:

— Սյո՛, և Վարդը:

— Մոռացա՞ր որ նա ինձ հետ չէր: Ես  
Թողեցի նրան Յմակաձորում, ուր նա կը

սպասէ մեզ Վարչամի հետ:

— Քանի՞ ձի ունինք:

— Զորսը, տէր:

— Զորրորդը լճեն է:

— Ես ինքս հաւանեցի և գնեցի:

— Ուրեմն շտապիր գնանք:

— Անձրև է, տէր:

— Ամենայլաւ ժամանակ:

Կարձ միջոցում Ներսէհը հազաւ վրացու զգեստը, իսկ Ատոմը գինուորի գրահը նրանք հեռացան տանից:

Անձրևը այժմ այնքան յորդառատ չէր, բայց բարակ էր մաղում: Երկու հոգի ձեռներով դեռինը շոշափելով ձորն իջան և համարեա մազլցելով ձորի ուղղաձիգ կողը սկսեցին դէպի վեր բարձրանալ: Այդ իսկ միջոցին ներքևի թփերի կողմից լավեց մի խլրախեն. Ատոմը, որ այդտեղից մօտիկ էր, հանեց սուրը և կամենում էր թփի վրայ յարձակուիլ, բայց



կանգ առաւ, լսելով թէ ինչպէս թփի  
քամակից մէկը ասաց հայերէն. « Անի-  
ծեալ անձրև... պահ մի դադարէիր... » Ա-  
տումը շօշափելով բռնեց թուփը, իսկ նրա  
հակեց ոսների ու ձեռքերի վրայ սողա-  
լով գնաց Ներսէհը:

— Եթէ դաւաճաններից լինի, խնայել  
չը կայ, փսփոսաց վերջինս:

Խաւարի մէջ Ատումը դլխով հաւանու-  
թեան նշան արաւ, կարծես թէ իշխանը  
շատ էր տեսնում թէ ինչ կայ իր առջևը:  
Նա հանդարտ ձայնով հարցրեց. « Ո՞վ էս »:

Անծանօթը իսկոյն պատասխանեց թփի  
հակեց բարկացած ձայնով:

— Անիծեա՛յ, սատանային տեսնէի, այդ-  
քան չէի վախենայ, չե՞ս կարողանում  
բարձր խօսել: Նս քեզ չեմ տեսնում:

— Զայնդ ճանաչում եմ, ասաց Ատումը  
նոյն ցածր ձայնով. — Եթէ անունդ էլ  
իմանամ, շուտ կը պրծնենք այստեղից:

— Լսիր ուրեմն, բայց իմաց որ ձեռիս սուր կայ: Ես Հրահատ Կամսարականքն եմ:

— Շտապիր, տէր իմ, իջնել ձորը, ես Ատոմն եմ:

Ներսէհը ուրախութիւնից համարեա գորուելով ընկաւ ձորի յատակը, ջրի մէջ. և այդ ըոպէին էլ հասան Ատոմն ու Հրահատը: Երկու եղբայրները այդպիսի սարսափելի դրութեան մէջ միմեանց դըրկախառնեցին և համբուրուեցան: Ապա երեք հոգի ձեռք ձեռքի առած առաջ գնացին. մեքենայաբար նրանք դասն ամենից լաւ ճանապարհը. հենց այգտեղ էր ձորի սկիզբը, որ սկսվում էր մի տափարակ դաշտավայրից: Նրանք բարձրացան այնտեղով, ուսկից ձորն էր թափվում մի փոքրիկ առուակ, որ գոյացել էր տափարակի վրայ ժողովուած ջրից:

— Ես կարծում էի թէ մենակ պիտի

կատարեմ' այս գործը, խօսեց Հրահատը,  
երբ նրանք մօտ էին խրճթին. — Ատումը  
միայն այն էր հասկացրել թէ պէտք է  
փախչել. ևս չէի կարծում թէ դու էլ  
այստեղ ևս, եղբայր:

— Ո՞վ էր տուել քեզ այն սուրը, որով  
սպառնում էիր Ատումին, հարցրեց Նիր-  
սէհը:

Ատումը շտապեց պատասխանել.


— Մտացել էի յայանել, որ իշխանի  
վրանի ետևում բաժն են մի քանի մա-  
ցառներ, դրանց մէջ ևս թողել էի մի  
սուր:

— Այո՛, ևս այդ իմացայ այն ժամա-  
նակ, երբ դու վրանի առաջ նստած,  
վահանիդ վրայ ձեռքով մի սուր էիր  
նկարում և մի քանի անգամ մտադ զե-  
պի մացառներն էիր տանում: Գիշերը  
պահապանս նիրհած ժամանակը ձեռս  
դուրս տարի վրանի տակովը, սուրը

բռնեցի, քակեցի կապերս և դուրս եկայ:  
Վերջին օրերս Միհրանը այնքան խիստ  
չէր փարվում հետս. կարծում էր թէ  
այլևս փախչելու հնար չը կայ:

Նրանք մտան տնակը. ճրագի լոյսով  
միմեանց նայեցին, սարսափեցան. ամենից  
վատ էր Ներսէհի դրութիւնը. նա իսկոյն  
հանեց շորերը, կրկին հագաւ իր թրջած  
վերարկուն:

Գիւղի աքաղաղները նոր էին սկսել  
կանչել երբ չորս ձիաւորներ հեռացան  
գիւղից աճապարանօք:





ՓՍՌԱՀԵՂ ՎԻՐԱԻՈՐ

Զմեռն անցաւ:

Վահանը Գուինի մէջ բաւական կազ-  
 դուրուել էր իր մարդկանց հետ: Բանակ-  
 ցութիւնները նախարարներից շատ կող-  
 մնակից որսալու համար շարունակ զբա-  
 ղեցնում էին սպարապետին: Նրան վեր-  
 ջապէս յաջողուեց իր կողմը զբաւել եր-  
 կու հզօր նախարարներ, որոնցից մէկն  
 էր Որդի՝ Գիմարսեան տոհմից, իսկ միւ-  
 սը կոչվում էր Քաջաջ Սահառունի: Մի  
 քանի ժամանակից ի վեր այդ երկուքը  
 հիւր էին Գուինում, ուր եկել էին սպա-  
 րապետի և կաթողիկոսի հետ մանրա-  
 մասն խորհրդածութիւններ անելու ա-

պագայ գործունէութեան մասին:

Հազիւ էր ձմեռնային բուքը տեղի առել մարտի արեգակի տաք ճառագայթներին, մի գուժկան հասաւ Գուին, ու օձիքը պատռելով յայտնեց իշխաններին թէ Պարսից անհամար զօրքերը Նրասիւր անցած՝ դիմում են դէպի Արտաշատ: Հետեւեալ օրը մի ուրիշ գուժկան իմաց տուեց, որ Պարսից զօրքերի հետ են և ուրացեալ նախարարները, որոնք սպարապետի ուր լինելը իմացել են և կամենում են յանկարծակի պաշարել տալ Գուինը և պատուհասել Վահանին ու իր կողմնակիցներին: Զօրքերի չուն խիստ շտապողական է, ասում էին գուժկանները:

Վազմուեցաւ մի ժողով Յովհան կաթողիկոսի մօտ: Սյդակոյ բացի Վահանից կային և Ներսէս ու Հրահատ եղբայրները, Որդի Դիմաքսեան, Քաջաջ Սահառու-

նին և մի քանի քաղաքացի վաճառականներ: Ասթողիկոսը յայտնեց, որ իրանք շատ նեղ դրութեան մէջ են, զօրք ու օգնական չունին, այն ինչ թշնամին ահագին բազմութեամբ դիմում է իրանց վրայ: Վերջը հայրապետը կցեց.

— Սակայն այս բոլորը ես չասացի, որ դուք պահառուիք, որդիք, այլ ձեր անելիքը վճռէք: Զը լինի թէ մարդկային զօրքի բազմութիւնը ձեզ շուարեցնէ: Մեր Երկնային Վարդապետն իր օրինակով ցոյց տուեց, որ իր ճշմարիտ զինուորը անվախ պիտի գնայ ամեն տեսակ տանջանքի առաջ: Մահուան ստրուկներ ենք ամենքս, որդեակներ, բայց պարգերեսք իստոնեայի մահը ուրիշ բան է: Աշխատենք այդ մահը ձեռք բերելը Ահա ես էլ տարիների ծանրութեան տակ խոնարհուած ծերունիս, պատրաստ եմ ձեզ հետ լինելու...

Քոլոր ժողովականները խիստ յուզուած էին հայրապետի այդ խօսքերի վրայ: Վահանը սկսեց խօսել:

— Քաջ զիտացէք, Վեհափառ տէր և իմ արի նիզակակիցներ, որ Պարսից թրշնամին մենք ենք միայն: Նրանք գալիս են մեզ պատժելու, իսկ ժողովրդի հետ գործ չունին: Եթէ մեզ պէսները չը լինին, ժողովրդի կողմից ոչինչ ընդդիմութիւն չեն տեսնիլ պարսիկները: Կաւ յիշեցէք, որ դեռ Ատրնեբսէհը ունէր հրաման՝ բռնել մեզ և կենդանի տանել Պարսկաստան, բայց Ներսէհապատի ճակատամարտը խորտակեց նրա ցանկութիւնները: Այժմ նոյն հրամանով գալիս է, ինչպէս լսեցիք զուժկաններից, Զարմիհը Հազարաւուխտ մեծ սպարապետը և նրան պիտի օժանդակեն ուրացեալները: Ես կարծում եմ, որ եթէ մենք բոլորս կարողանանք ճողոպրիլ մահից կամ անարգ



գերութիւնից, պարսից բանակը ձեռնու-  
նայն պիտի մնայ:

Ամենքը հաւանեցին սպարապետի այդ  
միտքը, իսկ Հրահատ Աամսարականը հարց-  
րեց, թէ ինչ կերպով կարող էին բոլոր  
միաբան նախարարները ազատուիլ պար-  
սից սրերից:

— Խոհեմութիւնը պահանջում է, որ  
թողնենք Ռուինը, պատասխանեց Աահա-  
նը, — և թողնենք այնպէս որ մեզանից և  
մեր ընտանիքներից ոչ ոք չը մնայ այս-  
տեղ: Մեր վեհափառ հայրն էլ պիտի  
հեռուէ մեզ, լաւ խմանալով որ ինքն էլ  
նոյնպէս թշնամի է պարսիկներին, որպէս  
մեր խորհրդատուն և մեզ ղեկավարողը:  
Մենք դուրս գնանք քաղաքից, թող այ-  
նուհետև Հազարաւուխտը հայածէ մեզ  
և եթէ կարողանայ՝ բռնէ:

Յովհան կաթողիկոսը ուրախութեամբ  
յայտնեց, որ ինքը կը գնայ ամենքի ա-

ուաջ. նախարարներն էլ ընդունեցին այդ վճիռը: Բայց քաղաքացիներէից մէկը, Քաղէոս անուանով, ընդդիմացաւ:

— Դուք կը հեռանաք, ասաց նա, բայց ո՞վ կը հաւատացնէ պարսիկներին, թէ Դուինի մէջ չը կայ մի հաս ձեր կողմնակից: Ընդհակառակը, ձեր զնալուց յետոյ նրանք պիտի խուզարկեն ամեն մի տուն՝ ձեզանից մէկին գտնելու համար: Քաղաքը կը վնասուի:

— Լաւ խօսք է, յարեց Ներսէզ Աամսարականը, — մտածենք թէ ինչ ենք կարող անել:

— Մի հնար կայ միայն, ասաց Վահանը, — քանի որ քաղաքը շրջապատած չէ, հեռացրէք ձեր ընտանիքները Վեհափառի հետ: Իսկ մենք, պատերազմող մարդիկս, կը սպասենք, երբ պարսիկները կը պաշարեն, պատերազմով դուրս կը գնանք նրանց առաջը. եթէ կարողանանք՝ կը

ճեղքենք նրանց շարքերը, եթէ ոչ՝ կընկ-  
նենք սուր ի ձեռին:

— Գա չը նշանակեց պարսկաց սրերից  
ապատուիր, որի մասին դուք խօսեցիք  
սկզբում, Վահան սպարապետ, ասաց  
Քաջաջ Սահառունին, որ մինչև այդ ժա-  
մանակ լուռ էր:

— Մի՛ թէ ազատուել նշանակում է  
անպատճառ ապրել և մի՛ թէ ապրելը  
կամ մեռնելը մեր ձեռքին է: Իբրև սպա-  
րապետ՝ իմ կամքն այսպէս է:

— Իրաւունք չունինք ընդդիմանալու  
ձեր կամքին, խօսեցին ամենքը և գնա-  
ցին պատրաստուելու:

Նոյն գիշերը Ներսէհ և Հրահատ Վամ-  
սարականները պատրաստում էին իրանց  
ընտանիքները ճանապարհ դնելու: Ներ-  
սէհի որդիքը բարեբախտաբար այդ մի-  
ջոցին գտնվում էին Շիրակայ գիւղերից  
մէկում և Դուինում մնացել էր միայն

նրա կինը: Իսկ Հրահատը Խորէնից յետոյ  
անդաւակ էր: Տնային աւելորդ իրեղէն-  
ները պահ տուին գրացիներին:

Աէս դիշերին Աամսարականները հրա-  
ւիրուեցան սպարապետի մօտ, ուր կա-  
յին միւս իշխանները և ժողովրդի բազ-  
մութիւնը: Աահանը մաս-մաս բաժանեց  
ամբօխը և իւրաքանձիւր մասը յանձնե-  
լով մի իշխանի, պատուիրեց ամրացնել  
Գուինի բերդը: Սյոգ աշխատանքով իշխան-  
ները գրադուած էին մինչև միւս օրուայ  
արեւածագը:

Հէնց նոր էին վերջացրել գործը և յետ  
էին դառնում դէպի տուն, երբ աշա-  
րակների պահապաններից մէկը վազե-  
վազ հասաւ և յայտնեց Հրահատ իշխա-  
նին, որ Ջրվէժ կոչուած տեղի մօտ նկա-  
տելի են սպառազէն մարդիկ, որոնց խում-  
բերը հետզհետէ ստուարանում են: Հրա-  
հատը շտապեց դէպի աշտարակը:



Մի երկու-երեք ժամից յետոյ սպարապետն արդէն գիտէր, որ Խոսրովակերտից մինչև Ջրվէժը կանգնած են պարսից զօրքերը: Ամեն ինչ վերջացել էր, պէտք էր այժմ ուրիշ կերպ գործել: Սպարապետը շուտով որոշեց իր անելիքը:

Նա հրամայեց բոլորին պատրաստ լինել: Ինքը շտապեց մայր եկեղեցու բակը, ուր մի ջերմեռանդ սղօթք անելուց յետոյ ձի նստաւ: Այդ ժամանակ կաթողիկոսի սպասաւորը լուր բերաւ Վահանին, թէ չք նայած որ պարսիկների զօրքը պաշարել է քաղաքը և սպարապետի կարգադրութիւնը փոխուել է, բայց վահափառը պատրաստուամ է զինուորների հետ դուրս գնալ քաղաքից: Վահանը զընաց կաթողիկոսի մօտ:

Այինչ չէր ուղում լսել Մանգակունին, սպարապետի համոզեցուցիչ խօսքերը ապարդիւն անցան:

— Ես իբրև Հովուապետ չեմ թողնիլ  
որ Քրիստոսի զինուորները առանց հո-  
գեոր առաջնորդի գնան իրանց անձը  
պատարազելու: Ես էլ ուզում եմ մոտ-  
նակից դառնալ նրանց փառքին: Եւ բա-  
ցի զրանից զիտեմ որ եթէ անձիս պաշտ-  
պանութեան համար այստեղ մնամ, քա-  
ղաքս պիտի մասնեմ արիւնըսուշտ թըշ-  
նամու բարբարոսութեանը: Լաւ յիշիր որ  
Միհրանը Տայոց աշխարհից ուզում էր  
գալ այստեղ ինձ կախանաւորելու: Այժմ  
էլ այդ նպատակը չի մոռացուել: Ա՛չ, ես  
ինչ հովիւ կը լինեմ, թէ իմ հօտի բա-  
րօրութեան համար անձս զոհել չը զի-  
տենամ:

Վահան սպարապետը այդ խօսքերին  
պատասխան չը դաւաւ և դուրս գնաց:

— Գնա պատրաստիր ամենքին, ես էլ  
շուտով կը գամ, ասաց հայրապետը:

Վէսօրից անց էր, երբ մէկ-մէկ սկսեցին

Հաւաքուել ձիաւորները: Ամենից առաջ  
Հասաւ մի սպառազէն երիտասարդ, որի  
դէմքի վրայ մի Հաս մազ չը կար: Նա  
արիարար առաջ քշեց ձին և շնորքով  
զլուխ տուաւ սպարապետին: Վահանը  
զարմացած էր:

—Մեր խմբի մէջ քեզ պէս զինուոր  
առաջին անդամն եմ տեսնում, ասաց նա.  
—ինչպէս յանկարծ ընկար մեր մէջ: Խոր-  
հուրդ չէի ապ այդպէս վտահ լինել  
զէնքերիդ վրայ, ընկեր. դէմքդ ցոյց է  
տալիս, որ սաղաւարտ առաջին անդամն է  
տեսնում զլուխդ:

—Այո, տէր, պատասխանեց ձիաւորը,  
առաջին անդամն է որ վահան ու կա-  
պարձ եմ կրում:

Սպարապետը մի քանի վայրկեան ու-  
շադրութեամբ զննեց զինուորի դէմքը և  
ապա թէ Համարձակ ասաց.

—Իշխանուհի Ամսարական, սպառա-

ղինուած... ի՞նչ եմ տեսնում, տիկին:

— Դուք լաւ ճանաչեցիք, Վահան սպարապետ, պատասխանեց նա ծիծաղելով:

— Զիաւորը Հրահատ իշխանի ամուսինըն էր:

— Զափազանց երկիւղալի խաղ էք խաղում, խօսեց սպարապետը դժգոհութեամբ:

— Շատ շատ այդ խաղը կը վերջանայ մահով. ի՞նչ արած, իշխան, թէև կին ենք, բայց չեմ կարծում որ մեր զառամեայ վեհափառից էլ տկար լինենք: Բացի դրանից ձեր կարգադրութիւնը...

— Իմ կարգադրութիւնը փոխուած է, քաղաքը պաշարուելուց յետոյ ես չէի ուղիւ որ դուք մեզ հետ վտանգի ենթարկուէիք:

— Բայց ի՞նչ վտանգ կայ, Վահան իշխան. իմ ամուսինը պիտի զնայ պատերազմէ, ով զիտէ մեռնի կամ զերբ ընկնի



և ես նրանից յետոյ դարձեալ կեանք վարեմ: Ոչ, տէր, թոյլ տուէք որ մենք էլ մեր կեանքը ազատ պահենք: Իմ կամքն է մեռնել միատեղ, ապրել միատեղ:

—Քայց ուր է իշխանը, հարցրեց Վահանը, դարձեալ ոչինչ չունենալով պատասխանել տիկնոջը, ինչպէս կաթողիկոսին:

—Նա չի ուշանար, պատասխանեց Չարուհի տիկինը.—վերջին կարգադրութիւններն է անում ծառաներին: Մենք երեք հոգի ենք, զիտէք:

—Նրեի միւսն էլ Սահականոյշ տիկինն է:

—Սյո՛, իսկ երրորդը կը լինի Ատովի ամուսինը:

Մինչդեռ այդ խօսակցութիւնը անցնում էր նրանց մէջ, ժողովուրդեցաւ զինուորների մեծ մասը. եկան Ռիմաքսեանը, Սահառունին և դրանց ետեւից դուրս

եղաւ Յովհանն կաթողիկոսը: Աերջինս սպասաւօր չունէր իր հետ, ինքն էլ հաղնուած էր մի հասարակ վարդապետի պէս: Ամենից յետոյ հասաւ Ներսէսը, Սահականոյշ աիկինը և Ատոմը իր ամուսնու հետ: Վահանը մօտեցաւ կաթողիկոսին և դադանի նրան մի ինչ որ բան յայտնեց: Հայրապետը յուզուած սրբտով ժողովեց ամենքին, մի արտառուչ աղօթքով օրհնեց զինուորներին: Նրա ձայնը դողում էր, իսկ աղօթքը կիսած ժամանակը տեսնելով երեք աիկիններին, որոնք խորին ակնածութեամբ լսում էին աղօթքը կորացրած դուխներով, հայրապետը չը կարողացաւ զսպել իր արտասուները. երկու խոշոր կաթիլներ զորուեցան նրա չոր այտերով և անյայտացան ձիւնի պէս սպիտակ միրուքի մէջ: Շուտով նա լռեց:

— Սրտատկինդ լինինք, քաջալերեց սպա-

րապետը առաջ դուրս դալով.— Տանը է մեր դրուժիւնը, բայց Նրկնքի տէրը տեսնում է մեզ: Ներսէ՛հ իշխան, եղբօրդ և հրեք ատկնանց հեռ զնա, մեր գինուորներից էլ մի յիսուն հաս վերցրու նրանց պաշտպանութեան համար: Գուք, Վեհափառ հայր, ի՞նչպէս կը կամենաք լինել:

Որդի Ղիմաքսեանը և Քաջաջ Սահառունին խնդրեցին որ հայրապետին իրանց յանձնէ:

— Թող այդպէս լինի: Գէ՛հ, զնանք խաղաղութեամբ:

Խումբը շարժուեցաւ: Ժողովուրդը, որ մեծ բազմութեամբ շրջապատել էր կաթողիկոսին, թախանձազին խնդրում էր մնալ: Բայց Յովհանն օրհնելով ամենքին քշում էր իր ձին: Շուտով նրանք քաղաքի դռների մօտ էին:

Սպարապետը առաջ գնաց, պատու ի-

ըելով միւսներին խուճը-խուճը յարձա-  
կուիլ զանազան կողմերի վրայ և շփոթել  
թշնամուն:

Կարձ միջոց անցած՝ պարսից շարքե-  
րը խառնուեցան, բարձրացան վայրենի  
աղաղակներ, հրամայում էին ոչոքին  
բաց չը թողնել, բոլորին բռնել կամ սպա-  
նել: Սպարապետը մըրիկի պէս անցաւ  
շարքերի մէջ, աջ ու ձախ դիակներ փռե-  
լով, նրան հեռեում էին սուսերամերկ  
թիկնապահները, արիւն թափելով: Մինչ-  
դեռ պարսիկները մի տեղ էին ժողով-  
վում անքակտելի պարխսպ կազմելու հա-  
մար, վրայ հասաւ Հրահատ Կամսարա-  
կանը և ահեղաբար զոռարով, նիզակը  
ձոճելով, սլացաւ գօրքի մէջ, նրա օրինա-  
կին հեռեաց Ներսէհը Ստոմի և միւսնե-  
րի հետ: Յարձակումն այնպէս սաստիկ  
էր և անակնկալ, որ շուարած պարսիկ-  
ները շփոթուեցան, աջ ու ձախ փախան,



մեծաթիւ զիականեր տալով Հայոց սուրբ-  
բին: Վահանի և Վամսարականի խմբերը  
անցան անվտանգ և աշտանակեցին և-  
բիվարները:

Այսպէս բախտաւոր չեղաւ Հայրապե-  
տի խումբը: Մօտենալով պարսիկներին,  
Ռիմաքսեանը և Սահառունին ահազին  
աղաղակներով շարքերի մէջ խուժեցին,  
կամենալով ճանապարհ բանալ կաթողի-  
կոսի առաջ, որ զինուորներով շրջապա-  
տուած՝ հեռուում էր երկու քաջերին:  
Երկար չը տևեց պարսիկների ընդդիմա-  
դրութիւնը: Նախարարների սրերը մեծ  
կոտորած արին, պարսիկները սկսեցին  
նահանջի: Բայց այդ լուպէին օգնութեան  
հասաւ ուրացեալ Գղիհոնը. մարտը սասա-  
կացաւ: Սիւնեցի դաւաճանի սուրը խոր  
ծակեց Քաջաջի զրահը կրծքի վրայ և  
նա ընկաւ, իսկ Ռիմաքսեանը նիզակա-  
խոյ տապալուեցաւ նոյն միջոցին, երբ

նա կաթողիկոսի ձիու սանձը բռնած, առաջ էր ուղում անցնել: Վայրագ պարսիկներէց մէկի փքինը ծակեց կաթողիկոսի թիկունքը, յորդ արիւնը ցայտեց վերքից և որովհետև նրա ձիու կողքումն էլ մի նիզակ էր խրովել, ուստի պատկառելի ծերունին ծանր կերպով դեռին ընկաւ, ինչպէս մի մեծ կաղնեայ կոճղ: Նրա դիակի մօտ կոտորուեցան քսանի չափ հայ զինուորներ:

Առիւր վերջացրեց երեկոյեան մութը: Զինուորները թողեցին դաշտը և Զարմիհր Հազարաւուխտը խկոյն հրաման արձակեց Վահանի ետեւից ընկներ: Քանակը սաստիկ հապճեպով ուղի ընկաւ դէպի հիւսիս-արեւմուտք, բայց երկար չը տեւեց այդ արշաւանքը: Քաւարը ստիպեց զօրքին բանակ կազմել առաջին պատահած դիւղում:

Գիշեր է: Մութ ու պարզ երկինքը իր

անհամար աստղերով նայում է աշխարհին: Հանդարտ է բնութիւնը. անվրդով քաղցր է խաղաղ մայրկիանց քունը: Այդ որ չը զիտէր թէ ինչ անպարտն էր ներկայացնում: Գուրնի ճակատամարտի ատղը: Հանդիստ են արիւն թափողները, քունը հանգստացրել է և նրանց, որոնց որդիները կամ հայրերը կամ սիրելի ազգականները զեանատախած ընկած են երկնքի տակ: Սոսկալի էր այդ օրուայ պատերազմի հեռուանքը: Միմեանց վրայ թափուած զիտիները արնաքամ էին լինում. մերթ ընդ մերթ մտի կոյտերի տակից լսվում էր թոյլ օրհասական մրմունջը, որ այդ մեռելաճաների վրայ թաղաւորող ըութեան մէջ տարածվում էր իբրև մի շշուկ, որ ամբոխի խօսակցութեան էր նման: Սոսկովակերտի անտառում հաւաքուել էին զայլերը, պատրաստվում էին առատ ընթրիք վայելել մարդ-

կանց այդ դիակներն Վրայ:

Յովհանն կաթողիկոսը ընկած էր Ռիմաքսեանի մօտ, մէջքի վրայ: Նրա սալտակ փառահեղ միրուքը արիւնալուաց էր դառել, գլուխը թեքվել էր դէպի մի կողմ և այդ դրութեան մէջ արտայայտում էր մի անսահման հեղու թիւն. ջախջախուած վեղարը ընկած էր նրա թևի տակ: Անշարժ է հայրապետը, կեանքի նշոյլներ չեն երևում: Նա ուրեմն վախճանուել է. ի՞նչ կիմանաս: Միթէ այդ է նրա վերջին հանգստեան տեղը: — Ո՛չ, նա, մի ամբողջ ազգի մտիթարութիւնը, զթառառ հայրը բեհեզների վրայ պիտի հոգի տայ: Ո՞վ պիտի օգնէ նրան, ո՞վ պիտի ազատէ դայլի կերակուր դառնալուց:

Կարծես այդ ամենի մասին մտածում է թանձր խաւարի միջով նայող Մարտը: Ահա նա իր սովարական անհանգիստ




վարքով վերկացրեց մի ցուրտ քամի:  
Միւհնոյն ժամանակ արևեկքը սկսեց լու-  
սաւորուեր, լուծինը պատրաստովում էր  
իր կէտզիշերային ճանապարհորդու թիւնը  
կատարելու: Քամին մի քանի անգամ  
դաշտի մի ծայրից մինչև միւսը վազե-  
լուց և յետ դառնալուց յետոյ գիակնե-  
րից մէկը շարժուեց: Հայրապետն էր դա,  
որին արթնացրել էր զով քամին: Նստ  
չը շարչարուեց նա ոտքի կանգնելու հա-  
մար: Քիչ ժամանակ մնաց կանգնած, կար-  
ծես կամենալով լաւ կշռել, թէ կրկին  
ընկնե՞ն է լաւ թէ առաջ գնալը: Քայց  
գնալը հեշտ բան չէր: Մի քանի քայլ գնա-  
լուց յետոյ վերաւորը ընկաւ մի գիա-  
կոյտի վրայ, ծանր կերպով հառաչեց և  
կրկին կանգնեց և դողդողալով առաջ  
գնաց: Չառամեայ ծերունին դողում էր  
ցրտից, օժեալ մաղերը քամին ցրվել էր  
ճակատի վրայ, ծածկելով աչքերը, և նա

ոյժ չունի որ ազատէ աչքերը, որ կարողանայ պարզ տեսնել լուսնի թոյլ լուսաւորուած դաշտը: Այսպէս տատանուելով, խարխափելով, նա երկար գնաց, լուսաբացին քաղաքացիք դտան նրան ուժաթափ ընկած այնտեղը, ուր աղքատները նստում էին ողորմութիւն հուսաքելու:

Աէսօրից մօտ մի յուսահատ ձիաւոր զինուոր հասաւ քաղաքը և ամեն մի պատահած մարդուն հարց ու փորձ էր անում կաթողիկոսի մասին:

Դա Ատոմն էր, որ շարունակ որոնում էր հայրապետին և նրա ուղեկիցներին:

Նրան ուղարկել էր Վահան Մամիկոնեանը:



Ը

## ԵՐԿՈՒ ԳԵՐԻ

Զարմիհր Հազարաւուխտ սպարապետը  
անխոնջ հալածեց Վահանին մինչև Տա-  
յոց աշխարհի Ռքաղէ գաւառը, բայց  
չը կարողացաւ և մի հատ հայ գինուոր  
բռնելը Այդ անյաջողութեան վրայ զայ-  
րացած պարսիկը սկսեց վրէժ հանել  
խաղաղ զիւղականներից. քանզեց շատ  
գիւղեր, կոտորեց բազմաթիւ հայեր:  
Բայց շուտով նա գտաւ մի բան, որ շատ  
ուրախացրեց նրա սիրտը:

Լսելով թէ Վահանը թաքնուել է Շա-  
ղագոմ գաւառի Վարայրվարոյ կոչուած

ամբուլթեան մէջ, որ գտնվում էր Յու-  
նաց բաժնում\*), Հագարաւուխտը ա-  
ռաջ քաշեց իր զօրքերը և պաշարեց այդ  
ամրոցը: Բայց այդտեղ չէր Վահանը: Նրա  
տեղ պարսիկները կայանաւորեցին Սա-  
հականոյշ և Զարուհի տիկիներին, որոնք  
բերվում էին մնացել իբրև մի անվտանգ  
տեղ: Մեծ էր Հաղարաւուխտի ուրախու-  
թիւնը, նա զիտէր որ գտնէ այդ գերի-  
ների շնորհիւ զինաթափ կանէ Վահանի  
քաջ նիզակակիցներին, Ներսէհ և Հրա-  
հատ Աամսարահաններին և կը հարկա-  
դրէ նրանց իր կողմն անցնել: Ուստի  
հրամայեց որ երկու տիկիներին պա-  
տուով պահեն: Պերի տիկիները անվախ  
հեռուեցին պարսիկ բանակին, որ իջաւ  
Բասեան գաւառը, նրանք հաստատ վըճ-

---

\*) Հայաստանը այդ ժամանակ երկու մասերի էր  
բաժանուած, որոնցից մէկը պարսիկներին էր պատ-  
կանում, միւսը յոյներին:



ուել էին իրանց ամուսինների պէս քրիստոնէական հաւատարմութեամբ մեռնել և ոչ երբէք անարգուիլ հեթանոսների ձեռքին:

Բասենում Զարմիհր Հագարաւուխար Պերողեց հրաման ստացաւ շուտով Հայոց աշխարհի մարդպանութիւնը յանձնել Միհրանեան Շապուհ պարսկին և փութով գնալ Վրաստան, եթէ հնար լինի սպանել Վախթանգին: Ինքը Պերողը պատերազմ էր սկսել հոնների դէմ և զընում էր դէպի նրանց աշխարհը:

Շապուհ մարդպանն էլ ոչնչ չը կարողացաւ անել: Գերի տիկիններին թողեց Բասենու Բողբերդ ամրոցում Վշնասպ բերդակալի հսկողութեան ներքոյ. և ինքը մարդ ուղարկեց Վամսարական եղբայրների մօտ, պատուիրելով ասել, որ նրանց կանայքը բանտարկուած են, եթէ ուզում են որ նրանց արձակէ, պիտի թո-

դին Ասհանին և Հանգիստ ապրեն իրանց ընտանիքների հետ: Իսկ եթէ կարողանան Ասհանին սպանել, մեծ պարզւենել կը ստանան Պարսից դռնից: Շապուհ երգմամբ հաւատացնում էր որ երկու եզրայրները ազատ կը լինին մնալ միշտ քրիստոնեայ:

Վամսարականները սկզբում գանազան խոստումներով խաբեցին մարզպանին: Բայց վերջը Շապուհի մարդիկ յայանեցին նրան իշխանների կողմից մի այսպիսի պատասխան:

«Բոլոր խոստումներդ սուտ են, Շապուհ Միհրանեան, մենք յաւ զիտենք, դու խօ միշտ զիտես, որ սուտ ես ասում: Մեր կնիկներով մեզ չես վախեցնիր: Մենք չարչարվում ենք մեր հաւատի համար, մեր գործն ու աշխատութիւնը աշխարհային վայելչութեան համար չէ. ոչ կնոջ և ոչ որդու համար: Յաւիտենական եր-

ջանկութիւնը ժառանգելու համար կանանց էլ կարող ենք դէն անել, որգիններին էլ: Մի՛ կարծիր թէ կը խաբուենք: Եթէ խոստմունքները մեզ համար գին ունենային, այսքան չէինք ասանջուիլ այլ ուրիշ վատերի պէս առերես մոխիր կը պաշտէինք, որ ձեր պարգևները շոյլենք: Աստուած ողորմած է, եթէ մեր կանանց կենդանի չը տեսնենք, միւս կեանքում դու չես կարող միմեանցից բաժանել:

Սյդ կարուկ պատասխանն էլ Շապուհի կարծիքը չը փոխեց: Նրանից յետոյ էլ նա դեռ հաւատում էր թէ Վամսարականները կընկճուին, մանաւանդ որ տիկիններն էլ խաբել էին նրան, ասելով թէ իրանց ամուսիններին պիտի համոզեն կատարել մարգպանի կամքը: Շապուհը թողեց նրանց նոյն բերդում և իր գօրքերով սկսեց անհանգիստ անել Վահանին: Իսկ սա տեսնելով որ մի տեղից



օգնութիւն չը կայ, քաշուեց Տարօն, ուր  
յոյս ունէր Հաշտենից զաւտուի ժողո-  
վուրդը իր կողմը դրաւել: Շապուհը չորս  
հազար մարդիկներով զնայ նրա ետեւից:

Յուլիսի մի աօթադին օր Կարնոյ զա-  
ւառի Արծաթի անտւնով զիւղեց քիչ  
հեռու մի հեղեղատի մօտ, ծառերի տակ  
նստած էին մի խումբ մարդիկ, թւով  
քսանից կամ երեսունից ոչ աւել: Հեռու  
ճանապարհից վաստակած, նրանք հա-  
նել էին իրանն մախաղները և անուշ  
կրծում էին զինուորական աղքատիկ  
պարէնը, միւսնոյն ժամանակ մտիկ էին  
տալիս հնձաւորներին, որոնք ճանապար-  
հի միւս կողմում արտի մէջ բանում էին:  
Խմբի զխաւորն էր Ներսէհ Կամուարա-  
կանը, որ հանդարտ խօսում էր իր մօտ  
նստած մի հաստակազմ ու թաւամազ  
լեռնցու հետ: Աերջինս նոր էր միացել



այդ խմբին և կրում էր Խորս անունը։  
Բայց նա աւելի յայտնի էր իր դաւաճի  
անունով. ամենքը նրան Արշամունի էին  
կոչում։ Խօսակցութիւնը առժամանակ  
մոռացնել էր տուել նրանց առջևը դը-  
րած հացն ու պանիրը. երբեմն միայն  
նրանք ծծում էին փոքրիկ նեղաբերան  
կաւէ դոյլի ջուրը և զովանալով պատ-  
մում էին ախորժանօք։

Վամսարականի այս խումբը մի քանի  
օր դրանից առաջ բաժանուել էր Վահա-  
նի խմբից և կորցրել էր ճանապարհը։  
Այժմ օրուայ տասլից զովանալով այդ  
ստուերախիտ տեղում, մտադիր էր արե-  
զակը քիչ դէպի արևմուտք թեքվելուն  
պէս ճանապարհ ընկնել, որոնել սպարա-  
պետին։

Յանկարծ Արշամունին ընդհատեց իր  
խօսքը և ձեռքով ցոյց տուեց Վամսա-  
րականին մի խումբ գինավառ մարդիկ,

որոնք բարձրից զայլա էին արտի մեծ  
ճանապարհով:

— Գրանք պարսիկների են, աւերացրեց  
Խուրսը:

Այդ ձիաւորներից մէկը կանչեց մի  
հնձաւորին ճանապարհի մօտ և հարցրեց  
Թէ արդեօք չի՞ իմանում նա Վահանի  
տեղը:

Գիւղացին պատասխանեց Թէ չը գի-  
տէ:

— Անպիտան անարիներ, գոչեց պար-  
սիկը, — բաւական չէ որ մի ապստամբին  
Թաքցնում էք ձեր տներում, դեռ չէք էլ  
ուզում քաջ օրքայի զօրականներին ու-  
ղիղ ճանապարհ ցոյց տալ:

— Մենք գործ չունինք պատերազմի և  
ապստամբութեան հետ, ինչպէս դուք  
գործ չունիք մեր անպիտանութեան հետ,  
եթէ զօրականների էք, կարող էք գտնել  
Թէև Վահանին ճանաչողը յիմար պիտի

լինի, որ նրա ետեւից ման գայ:

Պարսիկը հանեց սուրը և յարձակուեց մշակի վրայ. նա փախաւ զիւղի ճանապարհով. իսկ պարսիկը նրա ետեւից ընկաւ:

Արշամունին, որ տեղից կանգնած մըտիկ էր տալիս այդ տեսարանին, բացագանչեց.

— Եթէ պարսիկը սպանէ մշակին, Աստուած նրա արիւնը մեզանից կը պահանջէ:

Եւ նա անհետացաւ:

Ներսէհ Վամսարականը վե՛րկացաւ և տեսաւ, թէ ինչպէս Խուրսը նիզակով շամփրեց պարսիկին, որ հասուէհաս էր մըշակին: Նրա դիակը ճանապարհի փոշիների մէջ ընկաւ:

Այդ որ տեսան միւս պարսիկները, արշաւեցին Արշամունու վրայ: Քարանձամուս հայերը մի ակնթարթում դուրս



Թռան ծառերի տակից, անուշաղիլի թողելով իրանց ճաշը: Մի փոքրիկ ճակատամարտ կազմուեցաւ: Հնձաւոր մշակներն էլ միացան Ներսէհի խմբի հետ իրանց ահազին մահակներով: Մի կարճ միջոցում պարսիկները սարսափահար փախստական դարձան, թողնելով այդտեղ մօտ եօթանասուն և երկու զիակ: Վամսարականը հրամայեց շտապով դուրս բերել ձիաները հեղեղատի ձորից: Զի հեծները, կազմուեյ-պատրաստուելը բոլորէր գործ էր: Նրանք թռան փախչողների ետևից:

Գիշերից բաւական անցել էր, երբ հալածողների խումբը անվտանգ յետ դարձաւ Արծաթի գիւղը, այդտեղ գիշերեց և միւս օրը ձանապարհ ընկաւ գէպի Արշամունեաց զաւառը, ուր յոյս ունէր գտնել Վահանին: Եւ գտաւ:



ԵՐԿՈՒ ՉԱՐԱԳՈՐԾՆԵՐԻ ՄԱՀԸ

Միհրանեան Շապուհը վերջապէս իմացաւ Վահանի տեղը և դարանամուտ լինելով Արշարունեաց երկրի մի գետաձորում, սպասում էր հայոց սպարապետին:

Վահանը իր խմբի հետ տեղափոխուեց Նրիգայ գիւղի մօտերը: Այդտեղ մի երեկոյ գտաւ նրանց Հրահատ Կամօարականը, որ վաղուց հեռացել էր բանակից Դուին գնալու և իր մի քանի զործերը կարգադրելու մտքով: Ներսէհն շտապեց գրկել իր եղբօրը և հարցնել նրա առողջութիւնը:

— Զրդխտես թէ ինչ լուր եմ բերել, Ներսէհ, խօսեց Հրահատը ծիծաղելով.— մի ձեռ-

քով երկու որս եմ բռներ:

— Ի՞նչ որս, ո՞վ է, ի՞նչպէս:

— Լսիր: Ամբողջ ժամանակ ես գտնւ-  
փում էի Բասենում, Բողբերդի մօտ. եր-  
կար աշխատում էի այդ բերդը մտնել,  
բայց չը կարողացայ: Ատոմի օգնութեամբ  
կարողացայ շինականներից մի փոքրիկ  
խումբ կազմել, այլ և կաշառել բերդի  
պահապաններից չորսին: Մինչդեռ պատ-  
րաստվում էի զիշերով զրաւել բերդը,  
յանկարծ յիսունաչափ ձիաւորներ թա-  
փուեցան մեզ վրայ: Նրանք գալիս էին  
սրարշաւ և, ինչպէս առաջին նուագ կար-  
ծեցինք, օգնութեան էին հասնում մեզ  
վանելու համար: Իմ հեռակները լաւ  
ջարդ տուին այդ ձիաւորներին և այն-  
քան կարճ միջոցում, որ ես մնացի զար-  
մացած: Յարձակուող խումբը զարհու-  
րած դէս ու դէն ցրուեցաւ, մի քանիս-  
ներն էլ բերդը մտան: Շուտով ամեն ինչ

պարզուեց: Բերդապահ Վշնասպը փախաւ,  
և մենք ներս մտնելով՝ խմացանք, որ քա-  
ղաք մտած ձիաւորները պատմել էին, թէ  
այդ օրը Կարնոյ սահմաններում Վաչա-  
նի զօրքը հալածել է իրանց. իսկ մեր  
խումբը ընդունել էին մեր բանակի մի  
մասի տեղ, որ զալիս էր բերդը պաշա-  
րելու: Վշնասպն իսկոյն փախել էր՝ Շա-  
պուհից օգնութիւն խնդրելու: Բերդին  
տիրացայ ես և իհարկէ իսկոյն ազատե-  
ցի Սահականուշին և Զարուհուն: Միւս  
օրը հեռացայ Բասենից և լսեցի որ ձի-  
աւորներին ջարդողը դու ես եղել:

Ուրախութեան աղաղակ բարձրացաւ  
լսողների մէջ. Ներսէհն արտասուելով  
համբուրեց եղբօրը և ամենքի մօտ ուխ-  
տեց մի քանի ոչխար զոհել:

— Իու ճրտեղ թողեցիր նրանց, հարց-  
րեց նա Հրահատից:

— Ատամի հետ նրանց տարայ Սղիո՞



վիտ, Զարիշատի տէր Տաճատ իշխանի մօտ թողեցի. իշխանի կինը, Զարուհու մօրաքոյրը, անչափ ուրախացաւ և ասաց որ նրանց երկար ժամանակ հիւր պիտի պահէ:

— Զարիշատ... որքան հեռու ես գտացեր, սիրելիս:

— Սյո՛, ես զիշեր ցերեկ ճանապարհ էի կտրում, հարցնում էի ամեն տեղ, մինչև որ գտայ սպարապետի բանակատեղը:

Ներսէսը վաղեց սպարապետի մօտ, որ մենակ նստած խօսում էր մի զիւղացու հետ: Նա էլ չափազանց ուրախացաւ հրահատի քաջութեան վրայ և միևնոյն ժամանակ պատմեց նրան իր ծրագիրը, որ կազմել էր զիւղացու հետ: Ներսէսը շատ հաւանեց այդ ծրագիրը և շատ ուշ թողեց Վահանին մենակ: Սպարապետը դեռ երկար չը քնեց և անպաղար միտք



էր անուամբ

Առաւօտեան երիզացիք զինուորուած  
փահաններով և նիզակներով շար ընկան  
պարսից բանակի առաջ պատերազմա-  
կան կարգով: Սպարապետն էր այդպէս  
կարգադրել ինքն էլ իր մարդկանց հետ  
անցաւ պարսից բանակի քամակը և յան-  
կարծազաս կայծակի պէս նետուելով  
թշնամիների վրայ, սաստիկ ջարդ տու-  
եց և փախցրեց բանակի մի մասը: Մի  
անգամ էլ յաղթուեցան պարսիկները:

Շապուհը մռնչում էր փայրենի գազա-  
նի պէս, նա կրկին կուտեց իր բանակը  
և զնաց Վահանի ետեւից դէպի Շտեպ  
գիւղը, մտքումը դրած՝ կամ չարաչար  
մահով մեռնել, կամ ոչնչացնել այդ փոք-  
րաթիւ բանակը:

Հայոց սպարապետը նեղ տեղն էր ըն-  
կել անհնարին էր առաջ դնար, իսկ ե-  
տեւից պարսիկներն էին գալիս: Արի

տղամարդը իր շուրջը հաւաքեց բաջ  
նիզակակիցներին, բոլորի հետ եղբայրա-  
բար դրկախառնուեց, յորդորեց չը վա-  
խենայ թշնամու բազմութիւնից:

— Իմ սիրտն զգում է, որ սա վերջին  
պատերազմը պիտի լինի. կամ մահով կը  
վերջացնենք, կամ կենդանի կը մնանք և  
կը ծաղրենք մեր թշնամիների կորուստը:

Սասց սպարապետը և զասանորեց իր  
հարիւրաջափ մարդկանցը, ինքը կանդ-  
նեց առջևում: Պարսիկների խնայ ու ըս-  
տուար խմբերը այնպիսի սասակութեամբ  
յարձակուեցան, որ հայ բանակի մեծ  
մասը ստրամբաժ փախաւ: Մնաց վա-  
հանք երեսուն մարդկանցով այն ահա-  
զին բազմութեան առաջ. բայց չը վա-  
խեց, հաստատ ստով կանդնեց ճակատ  
առ ճակատ: Սյրպէս հաստատակամու-  
թիւն ունի միայն այն մարդը, որ մեռ-  
նելու և ապրելու մէջ ոչինչ սուսուկու-

Թիւն, նոյն իսկ դանազանութիւն չի տեսնում: Թշնամի բանակին դէմ առ դէմ Վահանին սիրտ ու քաջութիւն էր տալիս մեռնելու միտքը: Զարգել ու ջրուել այդ բանակը անհնարին էր:

Շապուհը տեսնելով Վահանին, կանգ առաւ և կանչելով ուրացող Բղիհոն Սիւնեցուն, ասաց մի գառն ժպիտով. «Սյդ մարզը կամ խենթ է և այսքան բազմութիւնը ճանձերի տեղ է ընկունում, կամ մի աստուածային էակ է, որ պիտի կորտորէ մեզ»:

—Ոչ այդ, ոչ այն, տէր, պատասխանեց Բղիհոնը, թոյլ առէք ինձ վերջացնել նրա հետ զործը:

Սիւնեաց զունդը առաջ եկաւ: Հսկայատիպ Բղիհոնը ուրախութեամբ ոլորում էր հաստ ընչացքը: Բայց մինչև պատրաստուելու հրաման տալը, Վահան սպարապետը երեք անգամ երեսին խաչ



հաներով, փազեց թշնամու վրայ. նրան  
հեռեւեցին մնացած երեսուն մարդիկը...

Աջ թևում ունենալով հուժկու Ներ-  
սէհին, իսկ ձախում առիւծասիրտ Հրա-  
հատին, Վահանը կոտորելով ճեղքեց  
թշնամու շարքերը, անցաւ. նրա ետեւից  
հասան Քոնթ Առաւելեան, Ներս Յով-  
սէփեան, Ատդէն Վանանդացին և Ղեր-  
պարզոս յոյնը, որոնք նոյնպէս սկսեցին  
կոտորել: Այդ հրաշալի քաջագործութիւնը  
դիւթեց պարսիկներին. զինուորները ափ-  
ի բերան մնացել էին շուարած, շատերը  
փախչելու ճանապարհ էին որոնում:

Գլխահին Սիւնին կատաղած առիւծի  
պէս գոչելով ընկաւ այդ չորս մարդկանց  
ետեւից: Նրա ահագին սուրը սասաիկ  
թափով իջաւ Ներսի գլխին, սաղաւարտը  
ճեղքուեց և նա երկու դառած գլխով  
զեաին փռուեց: Հենց այն միջոցին, երբ  
Գլխահինը կրկին բարձրացրել էր սուրը,



Քոնթ Առաւելները մտեց նիզակը նրա  
կռնատակը. միւս ընկերները ծակեցին  
զրահը և յանկարծ երեք նիզակ ցցուած  
էին ուրացեալի մարմնի մէջ. նա մնաց  
ցցուած, մինչդեռ նիզակները խառնուած  
էին թռքերը: Վերջապէս Քզիհոնը վայր  
ընկաւ, իսկ այդ քաջութիւն գործողնե-  
րը հասան Վահանի մօտ:

Պատերազմը վերջացաւ: Տրտում ու  
յուսահատ նստած էր Շապուհը Քզիհո-  
նի դիակի մօտ, նա բռնուեւէ էր մի տե-  
տակ գերբնական երկիւղով: Տեսնելով այդ  
հսկայի մահը, այդ կոտորածը և Վահա-  
նի ազատուիլը, նա քիչ էր մնում յայ  
լինի, բայց ամաչում էր Քզիհոնի ծառա-  
ներից, որոնք հանում էին իշխանի փո-  
րտախոր, սիրտն ու թռքերը, որ դիակը չը  
հոտի: Վերջացնելով, մարմինը պատեցին  
եղեղնով, Սիւնեաց աշխարհը տանելու  
համար:

Օրը մթնեց: Դառն, անմխիթար օր պարտիկների համար: Շապուհը իր վրանու մ յուսահատ նստած է. հազարաւոր մտքեր տանջում են նրան: »Ի՞նչ կը լինի եթէ այդ մարդը այգակախի յաղթունից յետոյ մանէ Անձապ, Ծովապ եւ Հաշտենից դաւասները եւ այնտեղի հայերին մեզ դէմ գինէ: Մի բուռն մարդիկ այսակախ քաջութիւն արին. հապա ի՞նչ կը լինի հազարաւորներինը «:

Ամբողջ գիշերը այս մտքերը տանջում էին պարտից մարդպանին: Աուսաբացին արեւոց գունդերը հրաման սաացան հաղձեպով Բասեան դաւառը շուէր:

Գնաց եւ Վահանը: Թողնելով Վամսարական եղբայրներին ջարխշատում, նա Արարատի երկիրը հասաւ եւ իսկոյն դրնաց ս. Էջմիածին, այնտեղ ուխտ արաւ եւ որովհետեւ Իջման տաճարը արտաքուստ քայքայուել էր, պատուէր արաւ

կարկատելու և սպա գնաց Բուին, ուր  
հրան սպասում էին կաթողիկոսը և ժո-  
ղովուրդը:

Մի շաբթից յետոյ լուր հասաւ Բուին,  
թէ Պերտլը չարաչար յաղթուել է Հոնե-  
րից և սպանուել պատերազմում: Այլ լը-  
սում էր, ասում էր. «չարը պատժուեց»:

Շուտով պատմեցին և այն, որ Շապու-  
հը ձեռնունայն Սարպատական է անցել  
և այնանդ թողնելով իր զօրքը, գնացել  
է մասնակցել ու այն ժողովին, որ թաղա-  
ւոր պիտի ընտրէր:



## ԵՐԵՔ ՊԱՀԱՆՋ

Պարսկաստանը Պերոզից յիտոյ թագաւոր ճանաչեց Վաղարշին, որ մի բարեհոգի և խաղաղասէր մարդ էր: Պարսից լայնածաւալ տէրութեան ամեն ծայրերում մարդիկ ազատ շունչ քաշեցին:

Հանդստացաւ և Հայաստանը: Հայոց սպարապետը սուրը դրեց պատեանում, նա և նրա հաւատարիմ զինակիցները քաշուեցան իրանց տները, մտան ընտանիքի ծոցը:

Բայց Վահանը չէր վարձատրուած: Նա սպասում էր, որ վերջապէս իր արդար դատը լսեն: Եւ իսկ որ յեցին: Նրա անհաշտ թշնամիները, Զարմիհը Հաղարա-



ւուխտ և Նապուհ Միհրանեան սպարապետները բարեկամ դարձան և պարսից զիւանի մէջ յանդիման լինելով արեաց արքային, պատմեցին մեծ Վարդանի արժանի ժառանգի առաքինութիւնները, անպարտելի քաջութիւնը: Խորագէտ Վաղարշը հասկացաւ իսկոյն, որ այդ առիւծի հետ բարեկամութեամբ միայն կարելի է բան տեսներ:

Գարնանամուտ էր. մի այնպիսի ժամանակ, երբ բնութեան փոփոխութեան հետ հայերը սպասում էին Պարսկաստանից մի ուր և է նորութիւն:

Հեր գաւառի Նուարսակ զիւղը մի հեռաքրքիր տեսարան էր ներկայացնում: Այնտեղ հաւաքուել էր պարսկական մեծագումար զօրքը, որի առաջնորդ Նիխոր մարզպանը իր բնակարանում գրադուած էր մի քանի հիւրեր պատուելով: Պարսից զօրքը պատերազմի չէր եկել, Նիխո-

ըր քաղաքներ և բերդեր արենելու մասին չէր մտածուած: Նրա միտ գտնվում էր Վաղարշի խաղաղութեան հրովարտակը, որով հրաւիրում էր Վահանին հնազանդութիւ իրան: » Ել ի՞նչ ունիս ասելու, զրուած էր այդ հրովարտակի մէջ, — դու պտում էիր Պերոզին, որով հեռու նա չար էր և անբարիչար: Այժմ նա չսկայ: Այլ ևս ի՞նչ մտք ունիս: »

Այդ հարցի պատասխանին էր սպասում Նիխորը իր հիւրերից, որ հայոց սպարապետի կողմիցն էին եկել և հայ ազնուազան հմիկ հարազատներիցն էին: Թրը միջնելու վրայ էր, երբ նրանք հասան բանակը, ուստի և Նիխորը ցանկացել էր նախ ըստ հիւրանորից և սպա լսել նրանց խօսքը: Գիշերն անցաւ որակտութիւնների մէջ: Իսկ երբ լուսացաւ, Նիխորը ատենն կազմեց և հայ պատուիրակներին հարց ու փորձ արաւ: Իսկեց

Սահակ Կամսարականը, Ներսէհի և Հրահատի եղբայրը: Նա ասաց.

— Սրեայ արքային հաւատարմութեամբ ծառայել պարտք են համարել մեր նախնիքները շատ հնուց: Ձեզ էլ յայտնի են, ովքեր մարգպան, մեր երեւելի մարգկանց անունները, որոնք պարսից թշնամիների առաջ արիւն են թափել, իմ միտքը այդ քաջերին գովելը չէ և ես այդ տեսակ յանձնարարութիւն չունիմ մեր սպարապետից: Վահան Մամիկոնեանը, ուղարկելով ինձ ձեզ մօտ, պատուիրել է հասկացնել որ հայոց ազգը երբէք միտք չունի ապստամբել արող աէրութեան դէմ: այլ ցանկանում է ծառայել, և հաւատարմութեամբ ծառայել այն դահին, որ Սատուծու տնօրինութեամբ մեզ վրայ հրամայող է կարգուած: Մեր քաջ սպարապետը մինչև այժմ պատերազմներ է մղել ձեր գորքերի դէմ



ոչ թէ յաղթողի սին փառքը վայելելու համար, կամ ոչ թէ հարստութեան և աշխարհակալութեան անարդ ծարաւով, ոչ այդ չէ եղել հայոց երևելի մարդկանց միտքը: Գուք լաւ գիտէք Պերողի արարքները, ահա զբանք էին հարկադրում սպարապետին մաքառել: Նրա նպատակն էր, եթէ ապրել, լաւ ապրել, իսկ եթէ մեռնել, մեռնել՝ ապազայ կեանքում գեղեցիկ ապրելու յուսով: Նա պատրաստ էր մինչև վերջին շունչը սուր ի ձեռին ունենալ, և այդ վճիռը չի թողելու, եթէ պարսից արքունիքը շարունակէ այնպէս լինել, ինչպէս էր մինչև այժմ: Հաւատացէք իմ անկեղծութեանը, հօր մարդպան, ես ոչ վախկոտ մէկն եմ, ոչ էլ շողոքորթ. ինձանից մեծի ասածներն եմ ձեզ յայտնում:

—Նւ այժմ ի՞նչ է Վահանի միտքը, հարցրեց Նիխորը:



— Այդ դուք կը տեսնէք այն երեք խնդիրքներից, որ սպարապետը առաջարկել է ձեր պատուիրակներին և ինձ էլ հրամայել է ձեզ յայտնել:— Ահա այդ պայմանները:

Վամսարահանը հանեց մի մազազաթի կտոր և սկսեց կարգաբ: Նրան ականջ էին դնում ուշադրութեամբ:

— Առաջին խնդիրքն այս է, որ թողէք մեզ և մեր քահանաներին քրիստոնէական օրէնքը ազատ, աներկիւղ և համարձակ պաշտել, ուր որ կամենանք: Հայից մոզ չը շինեն. հայի ուրացութիւնը չը վարձատրէք պատուով և գահով: Հայոց աշխարհի բոլոր կրակատուները քանդէք, վերցնէք: Նրկրորդ խնդիրք. իմանաք յաւն ու վատը որոշել: Լաւ համարէք քաջ, բարետոհմիկ, օգտակար մարդկանց, և ոչ թէ վատ, աւարդ և անպիտան մարդկանց, որոնց

մինչև այժմ պարսից արքունիքը պաշտել փառաւորել է այն պատճառով, որ մոխրասպաշա են զառեի: Իսկ երրորդ խընդիւքն այն է, որ արեաց թագաւորը անարդար զատաստան չանէ, ամեն բան աչքով տեսնէ, կշռէ, ականջով լսէ և իմանայ մի մարդու լաւութիւնը կամ վատութիւնը: Գատաստան չանէ միայն մի կողմի ասածները լսելով, այլ երկու կողմին էլ քննէ, և տպո միայն լաւն ու վատը որոշէ և ըստ այնմ վարձատրէ կամ պատժէ:

Տիրեց կարճ լուութիւն: Սահակ Ասմարականը յետ զառաւ նստեց իր տեղը, նա այլևս ասելիք չունէր: Նիւորը լուռ մունջ մտածում էր այդ պահանջների մասին: Վահանի համարձակ անաշարհութիւնները, ինչպէս պարզ տեսնվում էր, խոր տպաւորութիւն էին զործել նրա վրայ: Վերջապէս նա խօսեց:

— Ճիշտ է, միանգամայն ճիշտ: Վահանք որքան լաւ պատերազմող է, այնքան էլ զեղեցիկ մտածող է: Իր սուռնքունի պահանջերու, և մեր արքան, ևս վատահ եմ, պիտի յարդէ քաջ ազամարդի առաջարկութիւնը:

Խոռխոռունեաց ազգից մի նախարար, որ պարսից բանակումն էր լինում և այդ խօսակցութեան ժամանակ տխուր էր ինչպէս մի խաւարամած դիշեր, կանդնեց և առաջ զնալով, սկսեց խօսել:

— Տէր, արեաց արքայի հաւատարիմ երկիւղած ծառաներս փրզովուած ենք, լսելով Մամիկոնեան Վահանի խօսքերը: Այդ բոլոր առաջարկութիւնները մեզ անպատուելու համար են միայն: Սակայն ո՞վ է այդ Վահանը: Մի բմբոսս դաւաճան, որ բիւրաւոր վշտեր է պատճառել արքայական կառավարութեանը և մեր զրնդերից շատ քաջազուններ է տապալել:



Սյգպիսի մարդուն շուտ են անում դահ-  
ճի ձեռքը մասնել, ոչ թէ հանդարտ  
լում են թէ ինչ է ասում: Անմահ ա-  
րեգակի երկրագոյուներս բողոք ենք  
բարձրացնում այս անլուր յանդգնու-  
թեան դէմ, տէր, մենք պատրաստ ենք  
միշտ ծառայել մեր թագաւորին, արիւն  
թափել նրա համար, ինչպէս մինչև այ-  
ժըմ էլ արել ենք: Եւ սակայն այսօր ին-  
չէ՞ր ենք լում մի ապստամբից, որ հա-  
մարձակվում է առաջարկութիւններ ա-  
նել իր խաւարային մօրար կրօնի մասին:

Ուրացող Խոստոռունուն հեռեեցին  
և միւսները, որ այնտեղ նստած էին և  
խնդրեցին պատժել Վահանին: Բայց Նի-  
խորը իր սովորական հանդարտ ձայնով  
վրայ բերաւ.

— Իզուր էք վրդովվում, Շապուհ իշ-  
խան, ձեր մասին ոչինչ չունի Հայոց  
սպարապետը: Գուք ճանաչում էք միայն



մեր մեծազօր արքային: Մազդեզական  
պաշտօնեան ինչու պիտի վիրաւորուի  
մի հայի խօսքերով: Դուք նրանցը չէք  
(Նիխորը ձեռքով ցոյց տուեց Սահակին),  
դուք մերն էք, և արեաց ազգը դեռ այն  
աստիճանին չի հասեր, որ չը կարողա-  
նայ փարձատրել իր սրտացաւ զաւակ-  
ներին:

Ստեանը զրանով վերջացաւ: Նիխորը  
դուրս գնաց, յայտնելով Կամսարականին  
իր գոհունակութիւնը և մեծ ցանկու-  
թիւնը տեսնել Վահանին: Կամսարակա-  
նը ուրախ էր և երբ պատահեցաւ Խոր-  
խոռունուն, ասաց հայերէն.


— Դեռ ոչինչ չը կայ և դուք ճաքվում  
էք, ի՞նչ կը լինի ձեր օրը, եթէ Վահանը  
աւելի ևս փառաւորուի:

Ոչինչ չը պատասխանեց ուրացեալը,  
կարծես չը հասկացաւ. զլիակոր դնաց  
Նիխորի ետեւից:



Անցան ամիսներ: Հայաստանի բարեկամները ուրախութեամբ իմացան, որ Վաղարշը ընդունել է սպարապետի խընդիրքները և իր կողմից էլ հաստատել է նրա սպարապետութիւնը: Ամեն տեղ պատմում էին, թէ ինչպէս լաւ խօսել էր Վահանը Վաղարշի զիւանուով, երբ նրա հրաւիրանօք Պարսկաստան էր գնացի: Պատմում էին նոյնպէս, որ Վահանը օգնական զօրք է տուել պարսիկներին՝ Զարեհի դէմ կռուելու համար, որ կամենում էր դահը խլել Վաղարշից: Իսկ հայոց երիտասարդները որպիսի զմայլմամբ պատմում էին Վրէն Վանանդեցու քաջագործութիւնները, որոնց ականատես էր եղել Զարեհին հալածող պարսկական ամբողջ բանակը:

Ամեն տեղ օրից խաղաղութիւնը:



ԺԱ.

Հ Ա Յ Ո Յ Գ Ս Ր Ո Ւ Ն

Չորս տարի էր անցել այն ժամանակից, երբ Վահանը նախարարների խնդիրքով Հայոց միաբանութեան գլուխն էր կանգնել: Այդ չորս տարիների թացքում նրա անընկճելի ուժեղ կամքը կարողացել էր շատերի դեղեցիկ նպատակը իրագործել:

Մայիսուայ մի դեղաժպիտ օր էր: Գուլինի ժողովուրդը խումբ-խումբ դիմում էր դէպի քաղաքի Հարուսային դռները, ուր արգէն դումարուել էր եկեղեցական դասը: Մարդիկ ծիծաղելով

խօսում էին, ուրախ էին ինչպէս Քրիստոսի յարութեան օրը և միմեանց պատահելիս ողջոյնի փոխարէն ասում էին. «Ժամանակն է, զայլիս է, զայլիս է»: Այդ խօսքերը վառում էին լսողներին. ամենքը շտապում էին շուտ գնալ տեսնել այդ եկողին: Մի ժամի ընթացքում քաղաքագոռների մօտ կուտուեցաւ մի ահագին բազմութիւն, որ ծփում էր ծովի պէս:

Ամբոխի աղաղակները յանկարծ դադարեցան և խիտ առ խիտ սեղմուած խմբերը յետ քաշուելով մի նեղ ճանապարհ բաց արին: Գոռների ետևից գուրս եկաւ ձի հեծած պեղարդ հողեորակներ, որին շրջապատել էին շատ ձիաւորներ և եպիսկոպոսներ: Մարզիկ յարդանքով բաց արին գլուխները, հողեորակներ օրհնեց աջ ու ձախ: Դա Յովհան կաթողիկոսն էր, որ հասնելով եկեղեցա-



կան դասին, իջաւ ձիուց, սկսեց զգետաւորուիլ:

Ամբոխի համբերութիւնը հեազհետէ հատնում էր, իսկ սպասած մարդը չէր երևում: Առաջ գնացած ձիաւորները յետ էին դառնում միմեանց ետեւից և զանազան լուրեր էին հաղորդում հեաաքրքիր ամբոխին: Մէկն ասում էր, թէ ինքս տեսայ, միւսը հաւատացնում էր թէ դեռ հեռու են, բայց շուտով կը գան, որովհետև շատ են շտապում:

Վերջապէս հեռուից Արտաշատի ճանապարհի վրայ երևաց ձիաւորների մի խումբ, որ սաստիկ արագութեամբ էր գալիս: Մի սարսափելի խառնակութիւն ընկաւ բազմութեան մէջ. իւրաքանչիւրը ուզում էր մի լաւ տեղ գանել, ամենքից բարձր լինել: Նկեղեցական դասը սկսեց հանդիսաւոր երգեցողութիւնը. խաչվառները բարձրացան օդի մէջ:

Մանկից առաջ կանգնած էր հայրապետը և ոսկեկուռ խաչը ձեռին մի երջանիկ զէմքով նայում էր գէպի ձիաւորների խումբը: Մտեհայով քաղաքին, առջևից եկող մի գեղեցիկ տղամարդ քշեց իր ձին և մի ակնթարթում հասաւ հայրապետի մօտ: Ժողովուրդը, մոռանալով տեղ գանելու և բարձր լինելու ցանկութիւնը, սկսեց զոռար. «կեցցէ՛ մարդպանը, կեցցէ՛...»: Բսկ կաթողիկոսը գրկեց հուժիւր զինուորին և երեխայի պէս սկսեց լաց լինել: Սրասառուեց և զինուորը, տրասառուեցին նաև նրա հեռ եկողները: Բազմութիւնը մտաւ քաղաք, սկսեց յառաջ ընթանալ աւելի և աւելի սեղմուելով նեղ փողոցում: Ղլուխների սղ մեծ բազմութեան մէջ ձիւ վրայ երևում էր օրուայ հերոսը, որի շքեղ վարդաբուն զգեստը փայլում էր արեգակի տակ:

Վահանն էր դա, որին նոր էր Վազարչը Հայաստանի մարզպան կարգել: Նրա հետ եկողներն էին նրա գառնութեան օրերի անբաժան ընկերները, Վամսարահան եղբայրները և ուրիշ հարազատները:

Ժողովուրդը շատ զժգոհ էր շարժվում. ամեն մէկի ցանկութիւնն էր երկար, շատ երկար նայել քաջին, տեսնել, ուրախանալ: Ազադակները, որոնք ժողովրդի զոհունակութիւնն էին վկայում, զզրդացնում էին քաղաքը:

Սյդպիսի յուսահատ դանդաղկոտութեամբ թափօրը հասաւ Գուինի մայր եկեղեցուն: Այլ ճարպիկ էր, կարող եղաւ ներս մտնել, իսկ մի ահազին բազմութիւն մնաց դրսում:

Սմենայն Հայոց այեզարդ հայրապետը բեմ ելաւ: Տիրեց մի խորին լուծութիւն: Նա սկսեց խօսել: Ննչքան յնալ էր

խօսում, ինչքան զմայլեցուցիչ էր ծերունին իր ուրախութիւնից փայլող վեհ դէմքով, իր պարթև հասակով: Նա օրհնեց Վահանին, որ կանգնած էր նրա մօտ, հայցելով Աստուծուն տալ նրա սրին յաղթութիւն եկեղեցու և ազդի թշնամիներին վրայ:

Ապա դառնալով դէպի ժողովուրդը, սկսեց մի հիանալի ազդու քարոզ: Իւրաքանչիւր խօսքը ծերունու սրտիցն էր դուրս գալիս և թափանցում էր լսողի սիրտը, որ դողում էր, յափշտակվում: Երբ հայրապետը հասաւ ողևորութեան ծայրին, քարացած ամբօխը սկսեց հեկեկալ, լաց լինել: Իսկ այդ ամենի պատճառը, հայ մարդպանը, կանգնած էր քարոզչի մօտ, գլուխը կորացրած, գեղեցիկ իբրև մի նորապսակ փեսայ:

Քարոզը վերջացաւ: Ամբօխը գրոհ տուաւ դէպի դուրս:



— Այսօր Աստուածային հրաշք է երևում, ասում էին բիւրաւոր բերաններ ..

Օրը կիրակի էր. ժողովուրդը խումբ-խումբ ցրուեց զբօսնելու. շատերը հեռացան քաղաքից անառւնների գեղեցկութիւնը վայելելու համար:

Հայոց համեստ զարուներ զարդարել էր Հայոց դաշտերը բիւրաւոր ծաղկունքներով: Առատաշնորհ էր նա, անուշաբոյր:

Բայց Հայոց սրտերի համար կար մի աւելի գեղեցիկ ծաղկափթիթ զարուն: Նա երեք ամսուայ կեանք չունեցաւ. նա կենդանարար, շքեղ էր և ձմեռնային բուքերի ժամանակ... ՅՅՅՅՅ Յայց սպարապետի

Դա վահանն էր: ՅՅՅՅ և վրձնիչ Յայ


Կարգ 1926/1927, Մեծ-ի սրբանայ ամսագրի  
Կարգի 1926/1927 — 0000 — Երևանի ՍՍՀ














10387

2013

